

# 序

唾

餘

集

文章之道。與時會爲顯晦。其晦也。若有神以呵護之。其顯也。必待人以彰明之。故聖經藏於魯壁。不受焚於秦火之餘。漢興復出。立五經博士。彭明於白虎觀。訂定諸儒。雖曰時會使然。亦斯道之傳。有不可磨滅者也。余先檢討克紹公。少而英異。博聞強識。凡五經諸史百家之書。無不淹貫。其時吾鄉贈送記序銘頌之文。多出其手。學者翕然宗之。而尤長於詩。輿會所至。發爲吟詠。名重當時。壯歲以明經遊學京師。讀書太學。受業於丘文莊公之門。稱爲入室弟子。若劉希賢。王濟之。謝木齋諸先達。每分韻覓句。未嘗不擊節歎賞。稱爲畏友。未幾聯捷春闈。翔步木天。而爲學愈勤。著作益富。積成卷帙。不忍捐棄。名其稿曰唾餘。文莊公序之。勸其出而問世。存之行笥。尙未付梓。公聞親耗。具疏乞歸。墓親讀禮。服闋行至羊城。一病不起。身無長物。惟圖書千數百卷。其清風高節。表表當時。唾餘吟稿。雜

序

序

行笥中。數傳後。簡編殘缺。字迹尙可辨識。族祖宗武公。重爲編定。付之手民。迄今五十餘年。屢遭兵火。舊板散失。存者無多。忍坐視先人遺集。湮沒不彰。將何以繩祖武而傳後嗣。夫爲子孫者。視先人之杯棬手澤。敬而存之。永念不忘。矧其列著作之林歟。余故搜輯散帙。正其亥豕。依序分類。編成一卷。以傳後人。亦猶杯棬手澤之義云爾。

裔孫紹虞謹序

## 本傳

陳縉。字克紹。瓊山蒼原人。父經。宣德乙卯科鄉薦。授灌陽縣訓導。縉童年稱異。讀書過目成誦。十一歲補弟子員。弱冠從丘文莊公學。稱入室弟子。壯歲貢赴廷試。肄業太學。其時文莊公爲國子監祭酒。相得其懽。同寄私第。寮案燕集。分韻賦詩。縉詩先成。靡不激賞。劉公健。謝公遷。王公楚。因詠梅詩。擊節稱歎。以爲吾輩畏友。名動京師。成化丙午科鄉薦。宏治癸丑科成進士。選庶常。同修國史。擢檢討。嘗與謝劉諸公講學。造詣益深。文莊公爲作存簡語序。嘗云。政府一席。終非異人任。其期望者大也。縉著論。以爲文章經國。在國初。則有劉伯溫。宋景濂。王子充。方正學。在永宣。則有解大紳。胡光大。楊文貞。在正統則有李文忠。劉文安。皆麗澤豐腴。樞杼敏妙。未有明體達用。酌古準今。裒然如丘仲深先生者。廖學士道南極贊之。以爲知言。年五十餘。丁艱乞歸。讀禮家居。建龍山莊別業。以教子

唾餘集

本傳

弟服闋赴京。行至羊城。一病不起。平生所學。未得用行。士林惜之。著有唾餘稿。藏於家。

唾

餘

集

## 目錄

### 序

贈定邑傅侯政滿趨朝序

贈鄉貢進士蔣君遊璠還鄉序

贈潘侯董翰事竣還定序

贈學教陳先生署邑政歸序序代

贈周君彥敷生嗣序

贈定邑傅侯元宵燈序

贈潘公子廷貴榮登鄉薦序

贈梁聽松瓊臺勝覽還鄉序 代

慶周大舍加冠詩序

目錄

歷 餘 集

目錄

記

重修梁老橋記

建業亭記

重修雷神廟記

字說

莫君簡居敬字說

楊君泰鍾大字說

書啓

啓瓊呂父母書

啓僉憲林公書

啓高千兵書

啓陳師署崖學書

啓韓文璧書

啓宗兄書

詩引

上督學趙大人詩引

端午代鄉人酌會詩引

闌門詩引

前題

上梁文

贈定邑傅侯重建公堂上梁文

贈定邑莫君新居上梁文

誌銘

武畧將軍張公墓誌銘

目錄

壽官周公墓誌銘

處士何公狀誌

### 祭文

祭何丈人文

祭蔣太守夫人文 代

祭吳都憲文 代

祭丘節母李太太夫人文

### 詩

感舊

其二

別友步原韻

過武城

睡

餘

集



睡

萬竹軒

題丞君山水

爲傅本榮令器啓蒙學書作

晚歸

與李秀士代楊泰作

送別三首

送彭孔明磨薦入京

月夜乘舟

遊山水

迎春館

金陵有見

封家書

海天春曉十首

集

餘

目錄

唾 餘 集

目錄

海南風景

響水橋

計氏耕樂

瓊臺春曉

明倫集勝

文廟仰高

雲露春風

泮池秋月

書燈繼晷

春遊柳陌

夏賞荷池

秋吟菊徑

冬步梅蹊

夜

榕陰對酌

方池湛月

翠山送青

石井潛鐘

中秋賞月

長流繞綠

曉天見雪二首

瓊翠參天

香梓驚秋

東臯清隱爲黃鉦作

赴薦留別諸鄉友

上翁憲副

集

餘

睡

目錄

別吳朝舉

別王必輝

途次聞蟬和周師韻

舟次英德觀音石山有作

飛來寺二首

度梅關

過邳州

與吳先生

舟中偶書所見

儀真江口舟阻風

和嵐鳳齋見寄

五月江邊待客不至

江湖勝覽

唾

餘

集

皇華勝境陳師傅社學卷

金陵勝覽二首

初進南雍

和教習林先生韻

奉和都台憂水患詩即次原韻二首

送廷賓先生分教瑯臺

送林省祭還鄉

上都帥題鳳

送別胡一齋同年還鄉

送王汝學先生

上分巡陳憲僉

輓丘醫官二首

送邢大舍人二首

集

餘

唾

上太守二首

哀朱先生

碧桃紅杏

早朝謝恩即事

燕都偶成

送馮叔貴注選還鄉

文林別意送顧廷英赴貢

送交二首

寓金陵寄家書

贈錦衣衛千戶

送省祭官還鄉

士舍王義官哀輓

黃大理僉憲廣西贈行

睡

餘

集

悼亡四首

挽友二首

又挽友二首

輓徵士三首

憶亡妻及孩

又書夢

寓羊城寄弟

萍水

自叙

代巽送友

吳丘一歲三首

端午代鄉人會約

送郡博陳先生秩滿之京

目錄

科甲登榮三首

讀家兄近作謹次原韻

玩鶴子

挽甥女死節

送梁大尹朝京三首

永慕

遇韋大尹

送解戶部還鄉

題吳氏流芳卷爲魏韋作

次大尹弟晚歸南渡韻

和知州問菊二首

送友人赴試

別周先生乃嗣還鄉

唾

餘

集



唾

餘

集

哀提學趙先生

送友人還姑蘇

送友人上京

永思堂

積善堂

瞻玉堂

上婁參議二首

留耕亭

栢島吟

具慶堂

送司訓陳秩滿之京

觀修道路有作

上鎮戎李都帥

目錄

睡

上清理齋憲僉二首  
贈兄會試

送王文明還感恩

送林繡衣還朝

送廷儀之任安遠

送周至德還家

據東流楊景昌首尾吟

寄曲江司訓周廷重

送王戶部還鄉省察

題吳氏養學田

和梁大尹途中風景

次蔡梅軒會後偶成

送李廷玉

餘

集

唾

餘

集

寓中元旦

送別泉友

清明有感

途中有感

送會同徐先生待選南還

瓊臺勝覽送江右蔣舉人還鄉

和梁大尹吳川道中望瓊山

和梁大尹重經赤水道中感懷

送梁大尹考績之京一首

送李廷玉還橫江二首

賀友四十一壽

題陳婦程氏貞烈卷

贈梁大尹之京二首

目錄

睡

和主師周自叙韵二首  
送劉汝堅赴春闈

和周鳳軒寄

題成趣園池亭

赴會試南都美人家二首

上二守霖雨有應

上賢侯霖雨有應

上太守霖雨有應

奉和周至德不得志韻

雷氏族譜

范氏族譜

杏壇別意

題瞻雲軒

集

餘

唾

餘

集

別南海何昌先生之南陵

江口舟中元旦感懷而作

謝彭先生歎禮并惠詩巾次韻

謝忱希爲垂教

謝李侍御過訪及惠書

又因所惠書弗全有西漢無東漢有終卷無首卷

無題

爲多情憶別

見農婦插田歌作

舟中重陽次至德韻

都台黃門諸先生寄贈倡和嚴韻見示敢竊效顰併希呈正二首

吳都憲贈兩廣鄉貢舉人次韻未揭曉時

翰林題景

目錄

十七

睡 餘 集

目錄

十八

奉使餽太常卿未會

會飲

松竹

風竹

露竹

梅

遣懷

過嚴子陵釣臺

相府咏梅

赴試白魚入舟

過武城

舟次大廟前有山余方仰止大尹公指曰此狀似小姑山也余因口占一絕

題翡翠

題畫翡翠二首

題畫鳳

題繪鵲

題白雉

送林辨事省祭還鄉

寓中見花爲李揮使口號

持傘雨行即事

思鄉

瓊南復覲天日送王汝學復任之京

送別王二守

觀上灘舟中有感

錦衣高戶侯石蘭

棋

目錄

十九

井深

漁者

魯橋思親

張家灣有感

中秋會賞

新月

送方德明冠帶還鄉

遇友二首

關月

渡建江偶成

詠筵

送別

爲李世昌挽乃丈人三首

集

餘

睡



## 贈定邑傅侯政滿趨朝序

唾 歲維丁酉。侯用 天子命來宰邑治。既至。則秉廉公。効忠力。宣風訓士。

餘 覃化黎元。三載政成。將上獻。百姓請留懇悃。乃不果行。又三載再成。將上獻。請留如初。又不果行。今丁未秋。踰九載。厥政大成。方具蹟書。戒程申令曰。有再留行者致峻罰。百姓聞之。咸側惕弗可忍。相與焚香籲天號跳涕野。耆士陳琛輩。趨謂余曰。侯之政教之善。充耳耀目。瞻譬如美。

集 洽膚淪髓。痿痺蒙仁。保我羣生。嘉惠一邑者。惟侯是賴而已。茲行且去。吾屬皇皇。哀赤子之失慈母也。將若之何。邇接清規。知侯者莫子若。得侯者亦莫子若。蓋爲我面之。余曰。君之意誠切至矣。然知有己。不知有人。知其小。不知其大。君子豈以及己之小。廢及人之大者乎。雖汝定之失侯。世將有大得在矣。夫奚患焉。侯。傅姓。諱霖。時濟其字也。厥先蓋出於傅說氏。作霖雨。濟羣生。於有商者是也。聞侯自少。卓有大志。消長。有大抱

唾

餘

集

貢。向以是名字之者。固以是人望侯。侯亦以是人自期也。所以覃德澤於汝邑者。特小試耳。觀其勸學課農。闢田增戶。簡訟息盜之屬。固其所施政教中之餘事。若論其所存。如視事間。思以抑豪強。扶顛弱。撫字惟勤。是其宅心一以愛人爲主。愛人仁之施。仁愛之心。政之本也。得其本。宜其末無往而不舉矣。吾知行將獻最大廷。考居上成。由是 寵命日加。爵秩日隆。以作州郡。州郡之人得之。以作藩臬。藩臬之人得之。或登宰輔理天下。天下之人得之。移一邑之獨得。爲天下之同得。不既大矣夫。且傳說氏以岩野之遺賢。遇明哲之高宗。克成相業。如彼其易且大。矧侯由發育之英才。得際今日聰明神智之大聖。又非高宗者可企。上下交。德業成。足以兩蒼生而濟天下。不猶易且大乎。陳君于是釋然自解。樂勸侯登途。予復酌之酒爲之歌。使更唱送之。

始歌曰。南建之山兮。維石巖巖。蠢吾生之禁禁兮。嚳勿爾瞻。胡朝作夫陰雲兮。暮飛晴嶺。轉山移兮。吾誰以堪。

再歌曰。南建之江兮。維水泱泱。流波東溟兮。浩渺滂洋。縱一葦之輕帆兮。載游載颺。逝將焉之兮。爲世津梁。

終歌曰。維江有水兮。維山有石。石不可轉兮。水流不息。若吾侯之遺澤兮。緬吾侯之德。匪水匪石兮。昊天其罔極。歌既闕。侯拂衣起曰。枳棘之枝。固非鸞鳳之栖。仰天大笑而去。因緣爲序。

### 贈鄉貢進士蔣君遊瑯還鄉序

士處天地間。凡所聞見者。皆可以廣知識也。近自跬步之間。遠而極天地之覆載。事事物物。莫不有理存焉。吾生平或未嘗一入耳。一過目。一日得以聞且見焉。則吾之知識豈不由之而充廣也哉。昔者孔子居無煖席。行而接淅。環天下之轍。故適周問周禮。如宋得殷禮。官問於鄰子。樂訪於襄弘。聞滄浪於孺子之歌。辯商羊萍實于齊楚之謠。嚮使夫子泥車闕里。未徧一轍。亦何以周天下之事物而無所不知也耶。夫聖人人生知也。見聞猶藉

唾

於是焉。況士無遊覽之知可乎。上饒蔣公。乃江左偉人也。早以神童馳名。甫弱冠即蜚聲於庠校間。繼而宴鹿鳴。高薦于秋闈。士論允協。持文衡者。咸稱得人哉。得人哉。嘗對策公車。遍歷齊魯關洛湘江之濱。而未抵瓊邑。長吏吳公。乃君故人也。射策不利。授緡瓊邦。一日間千里魚素。稱瓊五指參天。六檠架海之勝。天語所稱兩溟奇句。誠重之也。昔蘇子遊遊斯土。嘗稱奇絕冠平生。蓋以此耳。子能不遠千里。蓋亦於斯一遊乎。君詢之嚴君及重慶堂。咸曰可。乃杖三尺。望五嶺。梯遠山。航大川。駕風奔潮。倏然而至。公迺嘆曰。嘗聞宗懋願乘長風破萬里浪。子乃果有此志也耶。君唯。作禮。問起居。序寒暄。既則接賢達士夫。論古人事實。談當世務。凡瓊之所有者。靡不接耳觸目畜之於心。居無何。慮以定省曠。且來春試期將屆。浩然有歸志。瓊士所與遊者。駢言以送之。余惟士之所學。莫先於知。尤必貴於行之也。君之學知素明矣。又北走燕翼。東馳閩浙。西踰蜀。南遊粵。以抵于瓊。所歷既多。則聞見愈廣。而所知愈主。行將報捷春官。必悉所聞。

集

餘

所見。對策。天子之廷。遠夫有官守言責。致君澤民。俾所知者。皆得以見諸行事。則君之來而歸也。不徒爲漫遊矣。謹序。

### 贈潘侯董翰事竣還定序

轉輸之法。所以給餽餉。充國用。自漢唐立法。逮于國朝法益明備。要皆宜於上而不病於下也。然立法非難。得人爲難。得人則法立而事濟。非其人則法壞而事弛。膺是職者。豈易云乎哉。定安潘侯。爲潯之貴邑華胄。遊庠序。角藝場屋。不偶。廼以賓興登貢監。拜今官。下車以來。惟公道是行。惟恩惠是推。凡百政事罔不修舉。用是邑之士民皆敬信而父母之。是歲秋。其公私所論。謂侯賢且能。宜總督翰職。旣而以余家樞封有生平之雅。來館於予。因察其所徵翰。無苛法。無過取。民是以不怨。漕以舟。陸以車。民是以不勞。旬日之間。舟車鱗萃。不閱月而翰納具完矣。夫以稅糧。國家重務也。轉輸有司要職也。舉至重之務。稱至要之職。下無所病。而上有所

唾  
宜。所謂得其人而事濟者。此侯之所以爲賢且能也。昔人有言。枳棘非鸞鳳所棲。百里豈大賢之路。將見異時展浚春之翼。陟富路之位。竭其底蘊以筮筮治道。而 聖天子方願之以爲得人者。蓋又不在今日事也。斯言也。侯足以有待。今且言歸。士友所知者感榮之。屬予爲序。故書而不辭。

### 贈掌教陳先生署邑政歸庠序代

餘  
政教一理也。以是而正人心謂之政。以是而通人心謂之教。要皆使民遷善遠奸以臻致治而已。初豈有二道哉。自夫羲農黃帝堯舜居君師以統政教於上。阜陶伊傅周召共臣職以行政教於下。而司徒典樂之設尙矣。洪惟我

集  
朝 聖聖相承。所以昭天道。弘人極。以一身之政教。爲天下之政教。慮臣下不能以兼厥職也。故政教各官厥官。使之各專厥職任。爲職易舉焉耳。然則兼盡而並施之者。不亦難矣哉。瓊庠掌學陳先生以乙榜鄉進。拜今官。自幼至壯。所學所行。舉出庠校間。其於政教之道。聞之熟矣。振鐸未踰年。而

門牆桃李。鼓春風。暢時雨者。彬彬焉。雖蓬蒿之下。窮鄉遠土。靡不望風而起。師道之立。有足觀矣。先是當路者。作新社教。以董理之責付先生。由郡都州邑以及閭巷。凡使車所不至之地。無不經歷。風俗之美惡與夫民間之利害。無不周知。而先生之令譽日益以廣。迺者舊令梁君秩滿去任。百姓方皇皇然求其可代。卽聚聯狀於分巡憲僉陳公以請于巡撫。公可之。先生奉檄入邑。且治且教。事上御下。一以敬惠爲主。一民之利必興。一吏之弊必剔。獄訟法律。必精必當。理一邑之事。坦然如理家事也。吏民驚相謂曰。吾意先生文學科名中人耳。乃政事之大魁耶。於是罔敢不服。且樂事而親戴如父母者焉。累上狀欲以先生爲令。時旣以年例拘。先生亦非快意。居歲餘。邑有丞自至。先生卽日解篆付之。命騎而歸。衆心攀如莫之能釋者。耆更廂里某等製彩爲軸。追而送之。走幣請叙於予。予昔都憲南臺。撫治南畿。秉賢否之衡。操黜陟之柄。於文教中求如先生者。殆不多見。有必力薦而遞遷之。不但已也。今先生政教並行。其實有如此。而聞譽之廣有如此。行

將課最 天廷。竊擢立至。吾願先生益大衛心。高爾志。充爾行。俾爾事業如伊臯周召之爲。躋我 聖君于藝黃堯舜。政教興行。治化隆盛。不徒足以慰瓊民之望。實天下之大望也。書以送之。

### 贈周君彥敷生嗣序

太極判而天地生。天地交而萬物生。生之理一而已矣。天地以一元之氣。運於十有二萬九千六百年之間。而人之生僅以百歲爲期。得與天地同此生理。而不得與天地齊其數。是亦可怪者耶。蓋天地以氣化運行。而人以形化相禪。氣之化者。日往則月來。寒往則暑來。千萬化之氣。一元之氣耳。形之生者。父而子。子而孫。千萬世之身。一人之身耳。人生天地間。能不失其所以生生之理。則嗣厥先貽厥後。世數之傳。可以與天地俱而無足怪矣。此世之人所以重有子也。員山周君芳。德敷其字也。行年 姿有奇。震索二子。其儕爲之喜。斲文以賀。大易有曰。積善之家。必之餘慶。夫善不外乎是理。而



唾

餘

集

慶莫大乎有子也。君爲積善家子。好學循理。能以善自治。是宜被餘慶生賢子。若所謂充閭者也。吾知君有是子。如天上麒麟。如人間鸞鳳。如陟崑山得良玉。如游合浦得明珠。宜無不愛且重者也。於是設之以弧矢。其有事於遠大也。寢之以牀。尊之也。衣之以裳。盛其服也。弄之以璋。尙其德也。所以然者。幸有彼之身。繼此之身也。苟非有以養而成之。烏在其爲愛且重哉。古者胎有教。擇所乳至於能食。能言。與夫教之於嬰孩。養之於童蒙。有小學之節。有大學之道。凡此皆所以全其有生之理。而養成厥德。俾可以爲士爲賢。雖聖人可學至也。夫然。故上焉足以保遺體。以承宗祀。下焉足以躋顯榮。興家業。以昌宗。以縣世數於億萬千年。殆與天地一元之氣同運並行。而可以長享餘慶于其間矣。必如是。而後生子爲可重也。周君能愛。則必能教以成之。姑書以重英賀。

## 贈定邑傅侯元宵燈序

序

九

睡

成化庚子之歲。建寅之月。既望之日。於時爲孟春。於節序爲元夕。是夕也。金烏西墜。玉兔東昇。霧捲雲舒。太虛湛若。但見花氣侵人。風光徐來。邑士公盎然滿腔。欽祗危坐。謂左右曰。如斯美景。若等亦有所樂乎。左右默默。罔知有對。迺約儒紳泊凡文墨之士數輩。會於琴堂之上。至則延接以禮。列坐以序。又陳酒榘張宴貨。鼓吹之聲。轟如雷霆。燈燭之光。炳如日星。開火樹於湏臾。鬪銀花於頃刻。奇奇怪怪。巧奪天工。爛爛燦燦。華耀人目。凡若近而城市。遠而鄉落。壯者少者。杖香襪者以及疲者跛者。莫不爭先而快靚之。闕闕然如歸市。累累然如環堵。抑之而必欲進。驅之而不可退。公莞爾笑曰。好樂之心。人所同也。吾豈得而私之。於是與客飲酒賦詩。陶然酣話。而公之詩蓋先就焉。客有庚公之韻者。有己自爲者。有五言七言者。雖或不同。皆所以鳴一時之盛也。時余位居席末。才出衆客之下。而詩又先之。蓋欲速而不達者也。客固以序命。辭至再三。乃拜手言之。竊惟昔文正公嘗曰。士當先天下之憂而憂。後天下之樂而樂也。孟軻氏亦曰。古之人與民偕

集

餘

唾

餘

集

樂。故能樂也。夫得所欲則樂。失所欲則憂。人情之常也。與民同樂。天理之公也。譬之居室中。妻啼饑。子啼寒。吾則衣帛而食肉。已得所欲。而彼不得其所欲。是果可樂乎。可憂乎。借曰樂焉。已私而已矣。公理安在哉。吾聞公之於民所欲者必與聚。所惡者則勿施。其所以先民之憂者。宜無不具矣。故今之所樂。亦後其樂而樂者也。使非與民同樂。則民固不得以樂公之樂。雖公亦豈得以享其樂至於此盛哉。余井蛙跳梁。不足以知東海之大樂。若夫模寫而發越之。尤在諸君子之吟咏。姑弁此以爲先驅云。

### 贈潘公子廷貴榮登鄉薦序

有客自南建州偕胡孟良造予別業龍山庄。揖曰。吾邑贊政潘公。其先浙之烏程人也。乃祖成于廣右潯州。遂爲潯人。公初業邑庠。進太學生。拜今職。主器名銜。字廷貴者。侍公來任。天資敏粹。英發異人。不事沉湎。好問博學。問安餘。手不釋卷。射藝造館。授業于司訓子明之門。今成化丁酉領西

唾

餘

集

廣鄉薦。爲養經之貳。既又來省親焉。吾輩加其學於此。而名成於彼。蓋亦與有光也。敢選言以賀。予不佞將何以言耶。予山庄去公治僅十里。德政仁聲。諱耳聆之。不假言也。公底郡城。嘗一二往還于家。予雖未識廷賞。接其父之賢。則子之賢可知也。所謂不知其子視其父。豈欺我哉。客難予曰。父子之賢奚見。因告之曰。璠之爲郡環海。茫茫僻處遐方。拜官茲土者。每以他故辭去。畏鯨波瘴地也。雖趙鼎稱賢相。父子誓不同往。况其他乎。公領上命奉官。守於極海外邑。不以一毫乾沒爲心。爲君也可謂忠矣。廷賞從父官盡子道於殊鄉遐地。不以千里艱阻爲限。爲親也可謂孝矣。父子孝。德之大者也。非賢而能之乎。且廷賞賢不止此。觀其西長於潯。南學於瓊。惟周公仲尼之道是悅。不以土地自限。載籍有之。江南山川之氣。鍾於物而不鍾於人。斯言則謬矣。東魯生孔子。孔子常生乎。嵩嶽產申甫。申甫常產乎。噫。是不然。聖賢必間世而出。人才不釋地而生。山川之氣。積之既久。發之既大。若馮京之三元。梁嵩之狀元。其餘韻流風。垂於右廣。洋洋

盈耳。凜凜逼人。矧廷賞方駭冠。飽經史。按藥科。行將 聖天子之明問。顯馮梁之文章。登馮梁之名第有日矣。正宜種種輪翻。以儀羽聖世。而輔翼生民。移孝入忠。以齊而治。使道德功業炳炳烺烺。又與馮梁二君子相頡頏。這一代之英豪。爲後學之口實。豈不休休乎。偉矣哉。予與孟良輩。尙當拭目以觀其光耀。幸毋以予言爲詫異焉。謹序。

### 贈梁聽松瓊臺勝覽還鄉序 代

瓊山大尹公令弟號聽松者。遊瓊將歸。瓊士某輩作詩送之。題曰。瓊臺勝覽。以序請予。予聞時議瓊者。語其形勝。則曰小蓬萊。論其物貨。則曰小蘇杭。評其文藝。則曰海濱鄒魯。予竊異焉。成化壬辰領鐸斯庠。未幾有督與鄉學之行。歷諸郡邑瓊海而觀之。乃知瓊之爲郡。極天地之南。居大海之中。屹然一州。四無涯畔。蓋古爲荒域。自入中國至于 天朝。大化流行。聲教遠被。職其土者。范其民。育其物。清其風。美其俗。衣冠文物。煥然盛

唾

明。今之璠。猶古之璠。璠之盛。又非昔之比矣。古往今來。士遊其間。未有不以得覽其勝爲快。而宋子瞻氏詩云。茲遊奇絕冠平生。其必有所超然而獨見者也。大尹公聞嘗誦此詩而追慕之。旣而述職於朝。復經其家。亦嘗以此稱道。於是聽松慨然相從浮海而南。旣至。日接賢士大夫。相與考詩文。談理道。古今世故。靡不究心。訪深尋幽。登高跳遠。竊島嶼之繁廼。歎海天之汪洋。凡日月之吞吐。風潮之動盪。山水石羽毛鱗介之奇怪。寶藏之珍異。有中土之所弗有者。皆目賞而心玩之。誠勝覽也。且覽而謂之勝。夫豈以風景之鮮華。物色之俊美。爲游觀之具。縱耳目之欲哉。蓋盈天地之間無非物。物無非理。人惟以理而觀物。則可以盡物之性。可以適吾之情。可以廣見聞。可以充學識。靡皆可觀。而況於遐陬異域。得以聞其所未聞。見其所未見者乎。見所未見。則所見益廣。聞所未聞。則其識益充。由是而語焉默焉出處焉。無非此理爲之用。是則所謂奇絕冠平生者。不在子瞻。而在聽松茲遊矣。勝覽之義。意者有在於斯。若夫模寫煙景。以艷其行色。

餘

集

諸君子吟咏足以盡之。予言之給驪云耳。

### 慶周大舍加冠詩序

風穴仙籬。鷄羣瑞鶴。龍光射斗。英鍾文獻之邦。鯉對趨庭。秀出詩書之種。振箕裘之世業。真樸棧之良才。飄飄乎神仙中人。卓卓乎塵埃偉物。魁然總角三加。當弱冠之年。抑爾威儀一變。至成人之道。某觀衣冠之濟濟。想文質之彬彬。頌詣高堂。已見斑爛之戲舞。明登樞亞。尙看章甫之巍巍。謹效蟬吟。用伸燕賀。

### 重修梁老橋記

梁老。邑之名郡也。有橋焉。因郡爲名。按趙宋間。里有道術者蘇應麟。置塔河北。募衆劇力爲樁。以通行道。名曰南磨。即是橋之創始也。傳者謂應麟有仙行。識地理形勝。建是橋爲山川鎮綸。自後民以蕃。地以闢。土多讀書。擲多賢才。卽其可知可見者。若一聽之何。衍之吳。嵩及齊宸之蔡。皆

唾

餘

集

進身賢科。名行清謹。蓋由山川秀麗之氣。有所夙鑿。不沒不泄。不震不騰。得以致其然也。蘇仙遠矣。勝跡悠悠。時移序遷。波衝濤湧。土石其疊之勢。不能以自支。比年以來。珊瑚已過半矣。濡來滯往。困日難時。不便二語。中合萬端。幸而大尹梁侯。五羊人。奉 聖天子命。撫按瓊邦。觀省巡行。至。乃停驂。矚目久之。曰。百里之內。皆我戶庭。群生之民。皆我赤子。病涉之患。豈治世所宜有哉。亟召父老定爲興復之計。已而都臺檄移那縣修里舍。平道途。 欽命廣東按察副使徐公。 郡太守蔣公。悉以其事重於侯。侯命長民。里之有士行者。蔡嶽蔡伯元。教護董工。鑄其器。鍛其椎。取石於山。尋之。度之。琢之。鑿之。蓋者百輪。運者百手。爭奮踴躍。以圖成功。爲通濟之利。蓋徒杠輿梁。國王政之一端也。 侯以公明正大之心。惠我瓊民。化行俗美。非一日矣。平政之餘。該意交孚。可以有爲。此其時也。不然。其何以一呼百諾。一舉百興。有如是之易易也哉。計其功。始于某年。竣于某月某日。高其車。廣其狹。皆二丈有奇。分植兩闢。爲千六十跨。距兩崖。爲步



唾

餘

隼

百餘。歛萬壑之奔泉。控橫流之大勢。由是往來人士。衣無厲揭。足不沾濡。於無地之中。而置之於有地之上。於臨深之餘。而措之若盤石之安。車馳馬驟。如登坦途。隙行躡趨。不假節相。於是乎橋之完美。其利於人也大矣。且其體製穹而高。延漫而長。如龍蜺。如虹橫。與古昇仙橋。殆相表裡。而山川雲物之勝。氣愈全。秀愈鍾。向所謂賢科諸君子。皆將秉相如之筆。以題其柱。異日高車駟馬。文章氣燄。爲斯橋出色者。比比有之。噫。古相如。今相如。不一相如。庸誌以俟。

### 建臺亭記

洪惟 太祖高皇帝龍飛九五。虎變一新。以武功定天下。以文教綏太平。列聖繼作。一統相承。雖曰優武修文。未嘗專文而去武也。所謂有文事者。必有武備。文武兩用。德威並行。迄今百有餘年。萬邦黎獻。四夷咸賓。雖瓊一郡僻在嶺海化之外。沾濡文教治。與中州齒。間者武夫尊孽。犬夷跳梁。

序

十七

唾

餘

集

城市爲之騷動。嘗勞大兵以勦絕之。究厥所由。蓋緣主是邦者。既不能懷之。以文德。又不能嚴之以武備。如是而欲兵戈之息。其可得乎。若帥主王公。英俊特達。有見於此。故其奉職惟忠。視事惟勤。池城兵甲。凡百器備。罔不飭舉。且以暇日。延接賢達士夫。相與講理道。務修文德。用是軍民斗仰。千里安行。耕食而饜飲。入孝而出弟。家詩書。人禮樂。披堅執銳之士。方且衣冠其甲冑。而牛犢其刀劍。回視兵戈。可無作矣。乃於公餘。出俸資鳩工聚材。構華亭於爽塏之地。埽兵甲。韜干戈。羅於其中。而藏之上下。取武王建藥之義。以爲亭名。以示不復用兵。古今一意耳。于時文人墨客。咸賦詩以美之。謂宜記諸後。余職文敎。幸茲止武之昌期。寧無樂於言乎。竊惟兵凶器也。弧矢以靖天下。豈聖人之得已哉。不得已而後用。雖用猶不用也。如以五帝三王之盛。而有蚩尤之征。防風之戮。誅四凶。伐有虜。克夏勝商。是皆仁義之干盾。禮樂之戈矛。果何害於用兵耶。降自春秋以及閔秦之後。窮兵黷武。無非爭奪之私。合縱連橫。悉皆功利之舉。果無害於用兵耶。今

王公以一遠方職專職武。乃能收德以歛威。以文而止武。值有用之器。置之於無用之地。於無用之地。而不失乎有用之器。是宜君子游玩而歌咏之。使聞斯亭之名與義。皆知遐外之邦。而息武修文有如此者。則大聖朝治化之廣。超出前古。光被天下。其盛何如哉。敢以是記之。

### 重修雷神廟記

瓊城西北隔百步許。地名曰下田。田之上。土豐而爽。廣而夷。長崗大陵。左右清泉流於前。綠竹森其後。雖城市溷淆。而獨寂然幽靜。亦地之靈者也。昔人就是爲祠以事雷神。歲時奉祀。祈禱無不應。蓋神靈雖在天。而昭格尤異者。豈非吾人敬崇之得其地也耶。創建以來。修營凡幾易。天順癸未。廣東按察司使鄺公來巡是邦。加意百姓重祠之規模復振。惜其有司取其目前。未幾而弊壞也滋甚。禱者祝者往來其間。視之靡不惕然。未有能興之者。成化戊戌里人唐重器瑜陳秉和嘉乃商畧爲興復之舉焉。緣郡衛公以至

唾

餘

集

廟廡士夫。多捐資費以給用度。用是鳩良匠。聚美材。請命于二守馬公。而大尹周公實董理之。肇工於是冬之旬月。不旬日而告成。大抵舟車人力。皆其所樂。抑亦神助其速如此。正中祠堂三楹。旁爲便室三楹。前爲廟門又三楹。繪楹礎拱。黜鑿聖壁。神像則仍舊而文飾之。凡皆煥然一新。之視前制豈美有加矣。旣以酒脯落神且餞。而余與焉。有客洗酌進曰。夫今日之爲此者。將以奉天神。造人福。非細故也。願有神而志弗忘。余曰。天人相感。多福自求。理則有之矣。予謂此祠一設。將神專在是。福可必求耶。書曰。天道福善而禍淫。易曰鬼神害盈而福謙。蓋天地間。無非陰陽。陰陽之氣。無非鬼神。而雷之爲氣。實秉天之號令。有威可畏。有聲可聞。或無形可見。其作福作威。尤爲顯迅。人能誠心爲善。則鬼神應而獲福。不誠心爲善。則禍已隨之。福其可得乎。間有反是。則曰天弗明也。神弗靈也。噫。是豈理也哉。殊不知爲善而反禍者。適然耳。爲惡而反福者。幸然耳。庸知報直。不在于其今。不在于其將來者乎。若乃不務爲善。而惟惡之爲。區區楮錢酒肉胥神。

以邀福者。則惡之甚者也。信乎。聖師孔子。有言務民之義。敬鬼神而遠之。誠如此言。則此廟可以長保。壽可以長享矣。故記之。

唯

### 莫君簡居敬字說

餘

建江莫居敬。冠帶尚義公第四子也。孩孺時。家人以行次呼之。習以爲名。既長。篤志而好學。端重而純簡。公易名曰簡。加元服。賓字居敬。姻表周彥華謂宜申其說。余不佞暖古形容。謹慮厥意而說之。昔孔子許子桑戶簡。冉雍曰。居敬而行簡以臨民爲可。孔子從而然之。良有以也。夫不煩之謂簡。主無適之謂敬。敬與簡皆美德也。彼所云者。蓋居敬則有主而自治嚴。居簡則無主而治疎。故行簡必敬爲之主。不然。則太簡矣。可乎。且人之有敬出于其心。心者人之神明。敬則一心之主宰。萬事之根本也。人之敬莫如神明。心則神明也。敢不敬乎。古之聖人齋戒。以神明其德者。敬而已。淵默雷聲。尸居龍見。敬吾神明於至靜也。出門如賓。承事如祭。敬吾神明於方

集

說

二一

動也。齊明盛服。非禮不動。恐褻狎吾神明。非敬也。不遺聲色。不殖貨利。恐汨沒吾神明。非敬也。洞洞燭燭。如執玉捧盈。戰戰兢兢。如臨深履薄。凜乎吾神明之如在也。敢不敬乎。吾能敬吾神明。則吾心靈。吾氣和。吾身安。行之君臣而君臣安。行之父子而父子安。行之夫婦長幼朋友之間。與凡應事接物臨民之際。何適不安。是皆吾心變化之所爲。無非一敬之所主。故曰敬者。聖學之所以成始而成終者也。學思如聖人。寧不以此自居。謂之居敬。猶人之居家。敬。猶家主也。簡。猶家衆也。主得其居。則御衆有道矣。吾願子始終以敬自居。其無失乎冉雍孔子之意也。其無負乎命名說字之意也。

### 楊君泰鍾大字說

成化庚子十一月陽至後。余鄉友數人暨戎長楊君泰俱卒。次金陵客中。咸敘時令。僉曰。自余輩來時。歷否而坤陰盡。陽生而爲復。又不幾何而爲

唾

餘

集

隨矣。比至京師時。其泰矣乎。于時楊君泰。楊然應曰。泰之義如何。予曰。泰者。通者也。正月之卦也。一歲之運。至于七月。陽上陰下。天地不交而爲否。乃至正月。陰上陽下。天地始交而爲泰。否極則泰來。時運然也。君曰。然則吾當生七月。而先君以泰命吾名。意者其在茲與。因以字請於余。予觀泰之一字。見於經傳。義出非一。然以楊氏得名之義推之。其有取於易卦明矣。且卦之名曰泰。泰之占曰小往大來。小者陰。小人之道也。大者陽。君子之道也。當泰之時。君子道長。小人道消。則是小者散。而大者聚矣。夫大莫於天地。人具天地之道以生。身雖貌然。而道初非不大也。惟不知其大而大之。適足以自小焉耳。是可不思所以大之乎。大之則凡內而成己。外而成物。近而爲家。遠而爲國。以是施諸人物日用事物之間。無適而非是大之所鍾聚矣。矧君生以泰名。身處泰時。正大來之世。亦見有長我之任。苟能以大自期。而不以小自居。則將來之所就。孰可量焉。用是字之曰鍾大。大而加以鍾者。從乃兄英鍾美而言也。孟氏云。充實之爲美。充實而有

說

二三

光輝之謂大。此又說外意也。或能觸類長之。無所不可。故說。

### 啓瓊邑父母書

生不親教化。忽歲有餘。然而厚澤所濡。未嘗以久遠或忘也。且將向行時過蒙華駕。光賁寒閭。備賜良多。曷勝榮荷。去秋舟次西江城下。適會令弟舍人。延禮甚款厚。是皆餘惠所及。感佩甚甚。乃欲偕拜高門。奈舟行不便。惟舉目雲鄉一稽首而已。八月行舟南都。用命進見內翰徐大人。九月至北畿。又嘗造謁貴鄉名公。各皆動問與居甚悉。生污不敢阿一二。舉以正對。諸公皆甚喜。况大人清譽。久著京邦。尺詔遙臨。喬遷指日。弟恐吾鄉父老不識。能如借寇否也。生今初夏。始得考試。五月入南雍。碌碌循禮。他無足道。但今在監人數。僅五百零。大約遠者二載餘。近者不及一載。皆當有歷。然尙三載後始可還鄉也。草附不悉。

### 啓僉憲林公書



唾

餘

集

僕曩者進參鳥府。厚辱青睞。每置心銘。未由躬拜。既又錫以中庸講義漢雋二書。時僕在庠校間。閱於拜受。惶愧惶愧。泊時得之。盥手披閱。自覺心目開廣。如出覆盆之下。而被太陽之炎。其喜幸爲何如耶。且二書皆選辟所未有。惟大人知之。徒憙乎我。蓋講義一書。示以本領之學。漢雋一書。示以博通之學。仰茲玉教。被錫多矣。第愧碌碌庸庸。憤排不齊。且以焚篋之鱗。不得托龍門之對。徒得其書。而不能知其所以爲書。是惟虛所賜。是懼也。然不有金玉則已。有而藏之。久而玩之。必思以之爲器爲貨。用資有不可易勝者焉。此所以必什襲之以爲終身寶。但愚匪席珍。莫伸瓊報。謹修拙墨。以代謝忱。

### 啓高千兵書

廣城判袂。北去南來。參與商者。秋復春矣。天長海闊。鴈香魚沈。仰北斗之光。誦中心之句。悠悠心曲。向誰論哉。猝托一夢。耳於戲三秋一白。高

書

唾

餘

集

里一心。豈亦有區區念耶。古之人白首相知猶按劍。公之於僕。邂逅於萍水間。論心於時月。頃而相知。念有如此。曾所謂猶按劍者乎。竊思之。公以宏碩之德。英傑之才。上親明主。下列詠歸。且得逍遙宇內。靈覺方外。所見者天下事。所識者天下理。所友者天下善。如僕一介之微耳。而乃在所友所愛之中。公豈我私耶。良璞之玉。鹽車之馬。一遇和陽。幸亦甚矣。方其於始也。一握手間。歎如平生。既而涉曆巖。臨清流。批風抹月。追古賞今。或談或笑。或醉或吟。其樂僕也。曰深乎。既又陳醴具。設。偉以祖饒。書籍珍物。重以餽。其惠僕何厚乎。行則載瞻。隨。且別且携。徘徊纏綿。各不能離。追言及此。惟我心知與公心知之乎。昔有一飯之恩。而千金報。僕匪土石也。忍負盛恩耶。雖然。公固不以是望生。生亦非是念公。所念者義而已。一生之義。不以千萬里而有間。不以千萬變而或移。歲寒之天。寧使松栢之落乎。區區身計前程事。公所習知。他無足道者。緬維公吉人天相。納福倍常。足慰足慰。南鴻之便。謹候片箋。茲值崇姪某爲宗兄某會試春官。趨視

焉。將侯在旅之以爲賁。姑述平生之好。以寄寸心。兼致欠缺之敬。于時梨  
雪生花。檀烟凝眼。惟冀珍調修磨景。以鍾後會之情。不宣

唾

### 啓陳師署崖學書

餘

伏自客冬拜違尊範。計今已越半載。起居曠侍。訓誨久乖。徒切葵傾。敢忘  
顛沛。第恨天淵懸絕。雲山迢遞。未由搢衣於左右也。嚮者老劉往省。生以  
薄疾于家。不及賁書。乃因劉醫士及永童旋。備審得知與居康祉。動履清平  
。甚喜之。且聞授受間親炙彌察。生竊體吾師之化。其大與於彼也必矣。不  
勝仰賀。生輩自彭師去後。與周師俱喜循常。且事各盡其所當然而已。今憲  
司方巡法度。嚴謹加意庠校。每致明倫堂。講論題意。且詔諸生有疑必問。  
皆與辯說。屢開示後學進增廣生。俱偕主都間躬隨伍行獎。其與師道治道  
相成。是亦吾徒一時之幸也。但生茅塞日蕪。慚無精進。傳而不習。罪莫逃  
矣。惟吾師見錫言旒。以紓山斗之仰。是所望也。大哥及小哥各各平安。免

集

書

勞遠念。家中及此間所有一應事情。永童到日。必能毛舉上白。茲不悉陳。深愧乏物爲貢。敬裁寸楮。以代問安之敬。彙成俚語一絕于末。以申景慕之意。惟時孟秋。伏冀時加調護。以壯歸程。不宣。

珠崖一去半年餘。千里何由問起居。夫子在陳非久志。蚤懷吾黨咏歸與。

### 啓韓文登書

餘

僕不佞辱居契朽。沾露澤有年矣。戊子秋。並轡雲程。兄先得焉。一龍一豬。判爲兩途。雖然兄之愛寧間於斯耶。今歲京闈。意者兄上春官。區區必屑隨至廣。得以叙平生爵遠別情足矣。詎意舟發最先。追不可及。六月申抵羊驛。但見晴雲黯黯。逝水悠悠。北望悽然。發長嘆耳。德昭倫誦兄垂念甚切。至感激于中。不知何<sub>レ</sub>忘也。緬維曾兄萬里扶搖。大展沖霄之翼。與鸞鳳爭頡頏。來春報捷。吾洗耳必矣。區區刻鵠不成。尤恐<sub>レ</sub>鶻之弗若。今秋之事。猶未度其雌雄若何。噫。歲月難延。江山易老。兄寧不爲我厚頤者一

集

赧然耶。茲寓旅中乏貢。謹將繹素以達蟻忱。辱下荷風蕩暑。槐雨生涼。惟冀順時以休。

唾

### 啓宗兄書

餘

山違川阻。月望雲思。在鄉曲朋儕猶然。而況宗族父兄者乎。賴維老伯伯諸叔叔諸弟姪。老者安。少者盛。日叙大倫。交修八道。良足慰矣。然而遠日長天。翻雲覆雨。各不知幾陰晴幾歡悲矣。遠言及此。寧無動念乎。惟兄家居。敦養之餘。功業精進。春闈一捷。深厚望焉。且聞天曹銓期已至。趣修程。登要路。日夕可企。視某愚苟延歲月。誠有耻爲吾兄道者。今雖出在監。勞碌甚於在庠。奈何天命人事。舉弗入若。姑隨分俟時而已。所愧牛幾不惑。將蒙不孝之大罪。汲汲皇皇。歸計罔出。如觸藩之羝。不知若之何而可遂也。吳朝舉欲告歸養病。唐克佐兄父某。只得守常。即今坐班人不滿八百數。來科事縱不可知。大約三年亦當得歷。但腰纏貫短。慮牽拽不過。家人遠歸。

書

唾

餘

集

引

爲此故耳。偷念及窮途。上與諸兄長會寒門兄弟勸濟一二。是所望也。來時俱舉列室盛饌。感非淺淺。茲便中草奉。希爲達意。是祈。

三〇

### 上督學趙大人詩引

縉

愚聞逃虛空者。聞人足音。蚤然而喜。况乎昆弟親戚。款款於其側乎。蓋方淪落於寂寞之間。淹滯於匱窮之刀。一旦有遭遇。如困焦枯得霖雨。如著暑熱遭涼風。其所以喜之者。豈故爲之。必出於本心之誠然者也。以愚身觀之。適有類於斯者焉。謹按縉之先本閩泉晉江縣陽林里人。先祖好翁以有宋建炎間來瓊。自後宋步日促。元運寢興。奔馳於群雄角逐之秋。浮沈於四海鼎沸之日。以故淹留異土。遂阻歸航。因籍乎瓊山之蒼原里而家焉。迄今歷年四百有奇。傳世一十有二。子姪宗叔不下四百人。皆事耕鑿。習書禮。歷宋元以及我

明。雖未嘗有顯官。其接踵仕途。濫名科貢。著代有之。是固遠祖開先之餘

澤也。先父經以乙榜忝備教職。愚親庭訓。未成童已適入學。幾弱冠濫竽原  
 篋。今年踰三裘。身歷四科。淹滯於硯席間。亦已甚矣。汲汲皇皇。恒以不識  
 故國所自出之祖。猶落葉浮萍。悠悠無所根著。惡在其爲人乎。昔鄉子能言  
 其祖。舉世誇詡之。愚非要譽也。爲不識吾祖宗。不能不有所追慕而悵感感  
 之者也。仰惟

大人以豪傑偉才。膺斯文之重寄。風化所係。且出於我祖宗之國。巡教於父  
 母之邦。愚一獲披視。如親見祖宗之面目。如聆謦欬於癡闇親戚之前。奚翅  
 聞足音而蚤然者。其喜幸何如耶。矧愚淹跡。未由自振。乃援出於大人之  
 手。豈川亦吾祖陰靈。意有托於其間者。其喜幸又何如耶。愧戴盆無以望  
 天。是以言不憚煩。希以自達。且傾愚見成俚言四章。以爲大德萬一頌。罔  
 敢言詩。幸冀以酌。或愚他日問祖尋宗。有所張本而爲主者云。

端午代鄉人酌會詩引

引

葦以月姤一陰。候當五日。正天中之令節。乃世上之良辰。荷風來十里之香。戈虎去千門之毒。引蒲觴而對酌。慨流水以高歌。齊歸仁壽之天。用慶昇平之樂。片言莫罄。四律並成。

### 闌門詩引

餘  
茲以藍田日煖。觀種玉以光燭。孔雀屏開。喜鸞弓而中目。繡帶遂同心之夙願。赤繩定繫足之良緣。未看二月天桃。已見三星在戶。竊闌闌而作詠。期燕燕以于飛。免闌阿堵之昏。請咳珠璣之唾。

### 又

集  
藍田種玉。已聞伉儷結良緣。青鳥啣箋。又報門闌增喜氣。當半月圓光之日。正三星在戶之期。風雲會裏快乘龍。簫鼓聲中欣奠鴈。敬陳鄙句。用慶良緣。毋辱拋輒。將以引玉。



唾

餘

集

## 贈定邑傅侯重建公堂上梁文

伏以南建故州。定安新邑。天分南極。地隔中華。宗一郡而抗四夷。隣三州而友九邑。坐山高峙。回龍盤顧主之形。朝案鋪張。飛鳳舞臨田之勢。一水若垂紳束帶。羣峯如列隊排衙。巍巍拱台座之尊。總總聚峰屯之象。誠百里依歸之要地。爲一方形勝之名區。欲聳官瞻。允宜輿播。載惟邑主。傅侯臺下。堂堂風采。楚楚星標。德有爲而行有守。義可尊而事可法。作生民之父母。爲公侯之腹心。乃當治化之餘。渙起經營之巧。掃將顛于已舊。回既倒于方新。庶民子來。以効其勞。百工居肆。以成其事。連起轉盤之利器。曰斧曰斤。鳩聚用世之良材。惟松惟栢。建一朝之盤石。弘萬世之規模。七架五間。盡是庇民之廈屋。四維百堵。無非護國之藩垣。發號施令。咸出於斯。布德推恩。舉加諸彼。民欣欣有喜色。雀躍騰歌。余空空如無知。燕來仲賀。謹陳工祝。僭瀆侯聰。

梁之東。東窗曉日一輪紅。紅光高照無私照。照遍逃亡白屋中。

文

唾

餘

集

梁之西。西山雨過稻粱肥。肥民瘠己恩勞大。大用才能濟盛時。  
梁之南。南觀尖嶺石巖巖。巖巖好似公高表。表正群生具爾瞻。  
梁之北。北辰穩穩居垣極。極邊列宿拱辰光。光應耶官昭顯德。  
梁之中。中心一點抱孤忠。忠君愛國賢良宰。宰輔遷時祿位榮。  
梁之上。上梁好聽工歌唱。唱聲高處祝天皇。皇圖鞏固山河壯。  
梁之下。下民無事時清暇。暇日公能擇可勞。勞而不怨勞之者。  
梁之前。前官誰似後官賢。賢把傾頰都整却。却教千古望高堅。  
梁之後。後堂地闊還堪搆。搆成廣廈千萬間。間架巍峨均庇覆。  
伏願上梁之後。泰山之固。盤石其安。立正位而處廣居。出公門而行大道。  
處百物于軒櫺之下。固四民於壽域之中。鷄鳴犬吠有那其居。雀角鼠牙無  
穿我屋。桃李家家沾化雨。絃歌處處諳春風。蕩蕩乎世道天開。昭昭乎人文  
日朗。治隆俗美。國泰民安。

### 贈定邑莫君新居上梁文

嘔

餘

集

邑治之東距里許。有山崇而袤。盤符龍鬱。壘然吼然。而又垣然背高而面下。左流而右峙。竹木濤其畔。崗陵列其外。有畝田數頃。聚廬數間。名曰新屯。莫氏族居之。莫氏祖曰真成。曰宣寶。仕元爲參軍知前南建州事。自歿從兄姪訓經衛。磨散官者有之。環橋門。游泮水者有之。富貴順達。彬彬迭出。地靈人傑。有足徵矣。謂先嚴某。乃隱德弗耀。傳家以詩禮。謂讀書知義。克世其家。以族大且蕃。趾居弗稱。卜於其山之麓夷陵以築焉。地位峻整。材木貞良。棟宇門墻。高下內外。具以法。視前益加美矣。落成。挈家胥宇。于是以泰先禱。以翁兄弟。會賓友。上則樽俎張其宴賞。琴書適其清暇。動則乘堅策肥。漁深獵幽。或高登而遠眺。或暮歌而朝遊。麋鹿爲之前後。風月恣其依依。其可樂乎。今日者然也。自是而後。若子若孫。鍾山川之秀。挹詩書之馨。振喬木之聲。登科入仕。耀功顯名。口肥甘於鐘鼎。曳輕美於廟庭。光前啓後。生沒咸榮。其可樂於將來則然也。故莫君之新爾居也。爲一身之計云乎哉。一時之盛云乎哉。君所善瓊士員山周叔輩徵序於余。且

文

三五

誦其粹人上梁語。予聞而嘉之。因併附之以壯其賀。

梁之東。東江一水繞盤龍。龍盤有日風雲起。起作甘霖洗太空。

梁之西。西山穩穩白金鷄。鷄聲唱徹花村曉。曉色春莊雨一犁。

梁之南。南來一嶺接雲巖。巖前美種多仙桂。桂有天香更不凡。

梁之北。北崖高擁游巖宅。宅邊桑梓宅前田。田里輪君豐粟帛。

梁之上。上棟美輪高古樣。樣如新景蓬萊宮。宮裏琴樽款萬狀。

梁之下。下宇堅固好間架。架中多蓄鄴侯書。書教兒孫貴無價。

### 武畧將軍張公墓誌銘

公諱勝。字適中。其先燕人。大父某以

太祖高皇帝飛龍御極之初。自輔從戎以奮武。定父某善繼述。東征西伐。克有成功。累遷至南京留守中衛鎮撫。封武勇將軍。代襲封爵。自少壯時。才氣高邁。神表丰峻。如所謂巖巖峙壁立千仞者。蓋真英傑士也。世降隆平。公弗專武事。兼修文德。立心制行。卓然大過人。其事長恭而弗詔。撫羣下

唾

餘

集

慈而有威。處向列則和而易。治公事如理家事。罔或怠違。京師輿議。能舉斯職者。必以公爲稱首。雖僕夫賤隸。咸知公名而增慕之。以故都大總戎襄成伯聞而嘉譽之。委以擒寇盜。理諸刑獄。公受命。實心且勤。未幾。盜日息。訟日平。刑罰日以消。而城市安堵無騷擾。至於里巷貧人婚娶喪葬之弗能舉者。輒捐貲濟之。其樂善好施又如此。行年幾六秩。卽謝事家居。以其官爵援子衡。尤端重謹飭。足以弘先緒。用是公得以放情事外。心逸日休。而享有餘。福有不可涯浹者焉。厥配宜人葛氏梁氏邢氏皆有賢行。生子二。長曰衡。娶華氏。續娶潘氏。次曰衍。娶劉氏。女四。長適南京廣洋衛所正千戶王雄。次適鎮南衛指揮僉事宋鑑。三適廣東痛進士司訓陳經子太學生縉。四適江陰衛指揮僉事子繼承。女孫三。長許聘龍虎佐衛指揮使榮子珊。公嘗暇日對諸子孫慨然曰。汝輩成立。家室且宜。吾瞑目無恨矣。乃成化甲辰某月某日疾終于家。計其始生之年。爲永樂己丑。實享壽七十有六。以九月丙申歸窆于都城北鍾山南之祖塋。嗚呼。匹夫殞身。暴之原野。過

者見之。猶有哀也。矧公富貴顯榮。福祿壽考。與其德善聲名洋溢在人心耳。千載而下。仰其休光。固有不能泯者。誌而銘之。弗敢廢禮云。

銘曰。卓哉將軍兮。武歆忠良。都城鎮淨兮。妖氛以降。丕承功烈兮。邦家有光。貽厥孫謀兮。世祿彌昌。天遊浩浩兮。白雲之鄉。佳城鬱鬱兮。青山之陽。雲回山峙兮。終古茫茫。英風飄飄兮。雲山其長。

### 壽官周公墓誌銘

公諱鼎。字永元。先世閩人。宋末來瓊。家居東洋里之員山。歷世滋久。厥族彌昌。始巡宰公登仕版。自後科薦。繼武有人。公風儀清楚。天賦淳美。好學問。探理趣。經傳子史百家之書。若詩若騷。莫不該貫。至於古今世變。降替得失。舉克達其大。居家尊卑秩秩有倫。舉鄉曲踈戚黨族雍雍有睦。見賓客。雖褻且少。必衣冠以貌。嘗集諸子姓弟侄。或論之曰。人各有志。有樂志於山林者。有行志於天下者。天下之志。若輩爲之。山林之志。吾自取也。日

睡

餘

集

與者舊數君子。或舟或履。或釣或弋。得美而茹。得鮮而食。既資於花鳥之晨。嘯吟於風月之夕。可謂能樂其樂矣。既而乃弟昇泊若孫賓繼膺鄉薦。厥子四。昌厚發孝。姪三。振學。振文。振運。孫孟。多習經書。事舉業。穎試不偶者有之。方舉未就者有之。工於詩。學於禮者又有之。女二。皆賢德。長適張朝。次適陳敏。甥孫陳鍾芳諸輩。亦漸染知學行義。其敦澤之施於家者。又如此。公餘事皆能。而尤精於脉理。凡民有疾。期之必至。至而察脉。隨指厥證。醫無不治。嘗爲百夫長。當十載之輪。掌編圖籍民數租稅。必精必明。無絲毫隱。鄉人德之。號十年公。蓋嘉其長人治事之公。非徒老大之稱也。其德惠之及於鄉人。又如此。先是有司聞其賢且耄。累敢爲鄉飲禮大賓。值當今

皇帝嗣登大寶之初。下推恩詔。公首膺是舉。服仕官。著冠帶。郡邑諸公旌幣禮躬造。老稚爭覲。咸以爲榮。其被恩於國。又如此。茲享年八秩有奇。忽東首北牖。就正寢而終。將以是月二十五日歸窆神域。子厚羣痛其永訣。

銘

三九

以予于公爲甥孫婿。習知公爲人。遺禮命狀誌。姑以吾瓊觀之。際斯會服斯服者。奚翅百人。求其德及邦家不負國恩。克稱厥服者。公一人而已。敢不併是狀誌而銘之。銘曰。厥德維何。介然有守。厥行維何。毅然不苟。厥藹維何。貽育黃耆。厥服維何。帶腰冠首。厥祿維何。因無而有。厥壽維何。踰八望九。厥厝維何。青山之口。厥澤維何。垂世悠久。

### 處士何公狀誌

成化辛丑夏六月。縉進業南離。秋七月有自故鄉來者。與妻兄諒計妻父員山公書。且令作狀及誌銘。縉痛哭幾絕。又旬餘。乃能啣哀竭誠追思狀之。公以永樂庚辰某月某日生。卒於成化庚子九月。享年八十有一。某初娶時。公已六十有八。所及見者。僅十有四年。雖未遠覩公平生歷履之詳。然以所見會諸所聞而畧言。其庶幾有實而可舉也。公諱淑。宋進士一鷗之後。元學蘇某之幾世孫。我

唾

餘

集



皇明處士某之第四子。爲人丰姿魁岸。賦性醇厚。操行方直。自少喜讀書。歷代子史。以至陰陽醫士之文。靡不涉獵。與之論古今世故。皆鑿鑿有見。世居呂里梁老之疊村。既長。以有先業于東洋員山。乃擇配周氏。來就胥宇。因號員山公。蓋取其山之可樂。川澤之可漁。而膏腴之可田也。及其既老。則又復于其故里村之名亭者定居焉。蓋審其田廬之可廣。而子姓之可久也。先是。公在員山。去舊家不外十里許。日夕必以所田漁者。歸爲奉先養親之具。而於加日令時。翁兄弟。合宗族。與凡賓朋媼姪之往來慶賀宴會。胥焉此充未嘗缺。而彼此兩鄉之人。亦未有不欣慕而喜好之在也。公之父母諸兄皆先世。同姓弟姪子孫有過。則召於前斥而教之。能改則止。由是無分長少。一惟公是則是憚。而家政實井井焉。家世爲百夫長。公膺若職。凡租賦之輸於官者無幸侵。其徵於民者無蠹蝕。而於落魄無力者尤加恤之。有以不平鳴者。但平其曲直。而不追其既往。故雖閭閻小人。亦皆革面滌心。爲公所短。而服公之公而能恕也。其壯盛時。推己及人。事多類此。若夫

唾餘集

晚年之事。吾見其日居高堂。鬆鶴髮潤駝顏。時與耆舊數人。舉觴接杯。以風月爲笑談。慨煙霞而嘯傲。不知有己。亦不知有人。歡欣快樂。以終其天年。舉莫知其爲無懷氏之民。葛天氏之民也。公既往。克世其家者有二子焉。長曰諒。妾員山周氏。次曰謹。妾宅念曾氏。女三人。長適澄潭李其子。次適同里前宣化知縣吳衍姪某。三適蒼原前武緣縣學訓導陳經子太學生縑。女孫一人。適同里蔡某子廷珍。至是子女咸有家室。配周氏則先公二十年而卒。亦悠然無歎矣。嗚呼。人之有生。疇克弗死。鄉閭生平爲行。至于壽考令終。如公之爲人者。亦幾何耶也。謹泣血書之。

### 祭何丈人文

成化十七年。歲次某年。某月。某日。園子監監生陳縑。聞凶訃。泣血爲文。使人齋回。謹遣弟紳遠具牲羞酒醴之奠。敢哀告于嶽丈何公之靈曰。縑自垂髫鞠育惟母也。及大旣冠。始克有婦也。婦少失母。惟母乎吾之母也。吾

唾

餘

集

少失父。惟父乎婦之父也。形影相依。賴所主也。骨肉相投。保此孤苦也。父之視我也猶所生。非曰半子也。我之視父也猶所怙。非曰外父也。敬之順之。未敢有所忤也。撫我愛我。未嘗有所惡也。思我與婦。同此感慕也。愧彼慈烏未及反哺也。痛我婦兮。胡先逝也。棄我獨兮。無所措也。遺厥女孫。且孩孺也。併傷父心。裂腸肚也。哀彼之亡兮。不辭衰耄而安厝也。念我之存兮。不以生死而易慮也。我方在庠校。拳拳然惟斯願也。我方上京師。油油然不忍去也。送我于門庭。沾濡如淚雨也。勉我於功名。叮嚀以心語也。想惟父之康強兮。雖百歲其可許也。俟乎我之來歸兮。冀一朝之可睹也。夫何極目不相見。永遠丰度也。側耳聽平安。却聞凶訃也。寸寸斷吾腸。刀割難踰也。汪汪傾我淚。河決難注也。號泣于旻天。天高莫訴也。匍匐于后土。土深莫諭也。迢迢萬里途。欲奔何阻也。戚戚方寸心。雖切何補也。嗚呼痛哉兮。父之盛德。宜天命之久固也。嗚呼惜哉兮。父之善德。宜神明之薦祐也。胡天命之靡常。而神明之註誤也。抑予愚之不德。而天神之遺怒也。不然。何

文

四三

罪咎之戾及也。不然。何天神之不護也。使父終蓋棺而不得一窺覩也。使我遠靈輻而不得一推御也。哀惟二兄兮。執喪外事也。哀惟二嫂兮。執喪內助也。哀惟二女兮。我婦不數也。哀惟三婿兮。我身不與也。俟他日之歸視兮。一坏壤土也。乃今晨之訣奠兮。千秋終古也。我之痛言兮。灑斯肝腑也。父其有知兮。悲斯情慕也。尙享。

### 祭蔣太守夫人文 代

惟靈。坤元懿德。葵宿精英。冰霜斯冽。蘭蕙斯馨。內相夫子。外福群生。闔門之則。邦人之稱。嗟哉蒼蒼。有德受殃。坤迷其道。葵隕其光。冰條其冽。蘭失其芳。其命靡常。人誰不傷。尙享。

### 祭吳都憲文 代

惟靈。山川秀氣。天地精英。國家石柱。將相儀型。百僚綱紀。兩省鈞衡。德

唾

縱搖虜。威振邊城。妖氛汎掃。海宇清平。憂分 聖主。名重神京。嗚呼。公之生也。以莫大之功。既尊顯而寵榮。公之逝也。以莫致之命。復壽考而令終。惟汗簡流芳。其垂名於不朽。與甘棠遺愛。而仰德於無窮。某等遵守屬部。警悼不已。望奠一觴。傾心千里。伏願顯靈。共來格止。尙享。

### 祭丘節母李太太夫人文

餘

惟靈。英鍾葵宿。秀出蘭宮。冰霜厥德。金玉其容。共姜之節。惟一是從。孟母之賢。教子登庸。鳳鸞一舉。霄漢高冲。騏驎一出。羣馬皆空。文魁翰苑。道濟一公。南州冠冕。斯文祖宗。克子之善。惟母之功。有節有教。婦人孰同。義彰一世。聲達九重。高門旌表。官詔褒封。榮華富貴。壽考命終。訃聞京國。悲感宸衷。式頒諭祭。恩禮至隆。無中僅有。千載奇逢。始終無忝。生死英雄。九泉英氣。萬古高風。念惟懿德。景慕何窮。犧牲既潔。奠獻惟恭。紳其來格。穆穆雍雍。尙享。

集

文

四五

唾 餘 集

---



文



四六

睡

翁壽七十春。慶生七兒子。傳家良有人。功業皆由己。既不忝所生。又何憾於死。哀哉酒一杯。荒草斜陽裡。

其二

光陰如過客。塵世一夢耳。七十古來稀。百年亦無幾。學已成麟角。名彰附驥尾。後古人而生。不先古人死。口口復令終。如斯而已矣。

餘

別友步原韻

青青水間萍。綠綠萍間水。萍水兩相逢。江湖一團美。自春還自秋。于沼更于汜。到處可滋培。隨時任榮萎。忽聞波浪聲。便覺金風起。吹動楚天頭。蕩開越江尾。何期萍水交。判爾參商異。聚散無定期。往來亦常理。矧余有生身。本自無根蒂。生養天地間。遨遊山水裡。大收滿腔春。充塞浩然氣。萍水俱浮遊。瓠瓜那着繫。用之則流行。舍則隨坎止。窟窿雲水邊。激昂霄漢際。風雲慶會時。日月重熙世。郵治昭文明。

集

詩

一

感舊

又兼修武備。英雄文武才。將相公侯位。何事不可爲。能行亦自至。肯  
爲遊子顧。勿棄男兒志。功業尙可圖。別離那足計。今日萍水邊。分却  
金蘭袂。只在兩儀間。何愁不相會。

過武城

藁爾武城邑。今城仍古城。城郭雖然是。人民日已更。當年子游子。曾  
宰治網罟。轍環孔宣父。過此訪門生。不覺莞爾笑。笑聞弦歌聲。于今  
莞爾笑。笑無弦歌鳴。莞爾貌則同。莞爾原異情。遙遙千載後。何人育  
群英。

萬竹軒

先生偏愛萬竿竹。君子林中處幽獨。披月凌雲節節高。連軒累檻猗猗綠。  
榮華生瘁本無心。清風明月自古今。箇中龍種無窮趣。低葉時來有鳳  
吟。

題丞君山水

集

餘

唾



唾

餘

集

君家一幅畫山水。勸我題詩在畫裡。我觀山水真絕奇。歷歷江山鮮堪比。  
。欲比蓬萊山。三島有其間。欲比桃源洞。桃源千古成幻夢。不是蓬萊  
山。不是桃源洞。金陵好風景。只在箇中看。春雲入樹暮山碧。秋波打  
空烟水寒。水光山色交相映。泛泛孤舟幾亭樹。簫笠巾裾山水間。阿誰  
還是仁智者。智者却樂水。仁者湏樂山。樂山壽彌久。樂水樂自寬。二  
者自爲二。一之良亦難。君能樂山復樂水。山水兩全仁且智。今看山高  
乘水長。壽考無疆樂不已。我今寫此爲君歌。此歌不入俗人耳。

爲傅本榮令器啓蒙學書作

山下泉初出。涓涓漱石流。污泥沉澗底。活水有源頭。河海汪汪日。魚  
龍躍躍秋。箇中能變化。霄漢任遨遊。

晚歸

雲外橫歸鳥。松梢掛落暉。一身輕似擲。雙足疾如飛。客舍初明火。人  
家半掩扉。兒童笑相問。底事此時歸。

詩

三

## 與李秀士代粉琴作

介胄文章客。均爲瓊海人。交遊萍水上。離別劍江邊。兩地皆尋祖。孤舟各問津。何時重見面。依舊一鄉親。

## 送別三首

雨雪正紛紛。相看欲斷魂。綿袍猶戀戀。征袂已翻翻。秋色鶴山月。春空馬嶺雲。知君懷我處。便是我思君。

出處有時節。行藏無定期。遊蹤何落落。歸路莫遲遲。璞玉還堪琢。明珠不可遺。要將懷素寶。售此盛明時。

南北東西路。驅馳秋復春。十年孤苦客。萬里一歸人。屋宇皆非舊。襟懷亦自新。到家何事好。惟有弟兄親。

## 送彭孔明膺薦入京

携手上離亭。江山總是情。雨餘花色重。風細柳烟輕。出匣雙龍奮。橫空一鶴鳴。獨憐今日酒。猶自爲君傾。

月夜乘舟

雲淨江還淨。風清月更清。蘆花兩岸闊。蓮葉一舟輕。天影隨波動。帆光帶月行。流連閑興盡。回棹已三更。

遊山水

山色連雲斷。霞光照水飛。浪奔船勢疾。波闊橈聲微。水鳥翔還集。江花密更稀。五湖煙景好。范蠡亦忘歸。

迎春館

高人託冲隱。築居瓊島濤。山水足佳趣。煙霞愜素心。牙籤戀錦軸。玉樹映瓊林。芸發滿階砌。清香時相尋。一鳥花間鳴。間闌流好音。感此時序易。長歌還孤斟。孰識箇中趣。悠悠山水深。

集

金陵有見

金陵多好景。一見便繁華。楊柳三春態。芙蓉四季花。池涵雲影布。樓得月輪斜。誰覺心中事。綦巾憶舊家。

詩

五

封家書

裁紙常憂短。修書不見長。寫成一箇字。斷盡九迴腸。言語何親切。緘封自謹防。幾多心下事。都在箇中藏。

睡

海天春曉十首

山外無山只有天。天光常在未明先。陽春到處增和氣。瘴霧開時起瑞煙。綠樹經年遍落葉。花村無雪早耕田。居民樂得東風暖。總把單衣換不棉。

餘

大地春回大海中。韶華不與異鄉同。林椰葉老無窮碧。海漆花嬌別樣紅。鐘鼓響低千瘴月。客船牽動五更風。平明縱步瓊台看。描畫丹青四面通。

集

一島南來地脉長。東風文物曉青蒼。絳唇微暈檳榔醉。螺髻斜簪茉莉香。巢鳥乍驚桑土濕。臥龍初起海雲忙。梅梢尚有蟬娟月。分得餘光過短牆。

唾

特頒鸞語到天涯。帶得春陽着物華。曲徑暖風醫病草。滿林香雨吐奇花。  
七洲波靜熬山聳。五指天開鳥道斜。榆柳陰中烟霧曙。數聲鷄犬野人家。

環海生黎半熟黎。一聲犬吠一聲鷄。雨餘紅槿先春吐。露裡黃茅向曉低。  
拾翠滿溪無鳥跡。踏青隨處有霜蹄。熙熙總向陽春化。來自東南北與西。

鷺車飛下遍南州。趁曉春光總勝遊。楊柳風中金勒馬。桃花浪裡木蘭舟。  
山因日出收殘照。江爲潮來向上流。民族與時俱一變。也應海屋又添籌。

海不揚波風不號。太平光景滿江皋。陶公東下清流遠。婺母南來碧嶂高。  
春釀小槽翻鴨脚。曉寒單袷褪鵝毛。明時更喜多人傑。一破天荒盡白袍。

火輪初出照寒微。茅屋齊開白板扉。傍曉江山偏有色。向陽花木倍生輝。

詩

七

遊峰誤蜜紛紛去。乳燕離巢數數飛。願得東君長自在。臨風不用聽催歸。

唾

使節來時島上春。玉驄嘶曉自行巡。薰風振起炎蒸地。和氣噓回凍餒民。千里謳歌千載遇。一年光景一時新。天工却也資寅亮。高臺春台在海濱。

餘

地連滄海海連天。春日朝來得最先。千里山河開曙色。幾家漁火起新煙。檳榔樹底無源水。布谷聲中小熟田。讀罷小窗猶不寐。寒襟頓覺暖如綿。

海南風景

集

瓊台十縣與三州。屹立南溟抗自流。水接扶桑先得日。山逢寒露未驚秋。雲橫婆母堆雙髻。霧散陶公出一頭。只道瀟湘登未得。不知身已在瀟湘洲。

響水橋

響水橋頭響水橋。蒼龍高臥白雲霄。半灘湧激驅珠碎。幾曲潺湲滾鳳律調。  
周道南來平似砥。餘波東下直通潮。登臨漫把相如筆。此去昇仙莫  
蓬。

嘒

計氏耕樂

續廣人

湖上園林深更深。烟霞不與世浮沉。山中禾黍有年歲。物外乾坤無古今。  
春雨一犁莘氏野。蒸風三弄有虞琴。時來伊尹翻欣起。堯舜君民是此  
心。

餘

瓊臺春曉

海環四表一州中。春早壺天景趣同。枯草碧迴前度色。好花嬌勝往年紅。  
嵐開已見扶桑日。海晏應無颶母風。獨有憲台豪邁客。陽春高調韻摩  
空。

集

明倫集勝

彝倫明處日星光。光景熙熟道義場。肄雅歌風周禮樂。董醇賈茂漢文章

詩

九

宏開講席來爐光。御濟青衿列厲行。蚤晚升堂皆入室。賢才繡的勝虞唐。

文廟仰高

大明高起大明宮。萬世規模萬國同。數仞門墻霄漢上。幾聲鐘鼓雨煙中。欲登堂陛窺宗廟。似躡階梯上太空。此口彌高還共仰。猶慚卓爾隔塵樞。

雲路春風

望路門頭泮沼東。東君到處總春嬌。詠詩曾點行邊趣。煖入光庭座上風。遠閣玲瓏揚曉鏡。滿門桃李藹芳叢。文衿濟濟閑來往。萬里青雲一路通。

泮池秋月

半壁池中月一天。波光月色兩嬋娟。兔穿雲破冰壺洩。魚躍萍開寶鏡懸。桂影飄飄侵賦筆。芹香采采照書牕。夜深想到觀瀾處。洙泗源頭在眼

集

餘

唾



前。

書燈繼晷

白駒穿隙去。駸駸。幾點青燈競寸陰。泰宇光中星耿耿。唔吟聲裡夜沉沉。  
匡衡壁破通昏曉。車胤螢飛映古今。展卷坐來高著目。分明照見聖賢心。

春遊柳陌

荏苒韶光和暖天。紫鶯嘶入綠楊烟。風流肯落張生後。雪咏曾居謝氏前。  
醉伴嬌嬈飛舞袖。靜依睨睨聽歌絃。殷勤爲問程夫子。誰謂偷閑學少年。

餘

集

夏賞荷池

十丈芙蓉一鏡天。天光水色蕩無烟。葉浮新綠來心上。花露微紅在眼前。  
遠岸舞風添水榭。隔波彈雨和湘絃。箇中獨得蘆溪趣。遺愛鍾來幾許年。

詩

秋吟菊徑

新霜天氣菊花天。滿眼秋容淡掃烟。隱逸自堪三徑裡。孤高迥出衆芳前。  
怡情取次成佳什。對景從容搯素絃。此日若逢陶靖節。與他同結樂天  
年。

冬步梅蹊

直入梅蹊小洞天。玉容驚起曉寒烟。饒他雪白寧居次。占得春魁却在  
前。滿地暗香浮蠟屐。臨風古調弄徽絃。與來尙憶林和靖。情思飄飄似昔  
年。

夜讀

鐘鼓遲遲夜正長。半窗燈火共淒涼。靈臺一點三秋潔。浩氣千尋百鍊剛。  
梅月橫斜廉外影。垂風披拂案頭香。聖賢言語便便辨。讀到天開日已  
光。

榕陰對酌

集

餘

唾

匪

秋風蕩蕩樹陰陰。暑氣渾無半點侵。漫擊細鱗和蕪煮。轉開香醞對花斟。  
天垂簾幙雲籠樹。風遞笙歌鳥弄音。此日諸君憂後樂。不妨沉醉共長吟。

方池湛月

水底圓如天上圓。天嬋娟映水嬋娟。一雙玉兔搗復搗。兩箇嫦娥顛倒顛。  
水玉壺間蘋藻地。水晶宮裡桂花天。分明照出源頭闔。雲影天光在眼前。

餘

群山送青

村邊名山山邊村。村前山色秀成群。送青不遠來富戶。橫黛無窮對夕曛。  
碧玉簪頭花帶雨。畫屏風裡樹橫雲。箇中怪得仁人樂。野鳥奇花總是春。

集

石井潛靈

空潭一鑑倚天開。活水源頭滾滾來。地脉山形相動盪。天光雲影共徘徊。

詩

。下無根底應難測。中有潛靈莫浪猜。變化却從霄漢去。便爲霖雨澤高萊。

中秋賞月

非金非石亦非澗。分外深深分外堅。携手共看花底月。知心惟有世間天。報投義重輕瓊玖。笑語聲歡勝管絃。滿眼相逢盡相識。幾人得到這情田。

長流繞綠

源頭深處即流長。逝者如斯足流腸。幾曲纒行來地脉。一泓深淺見天光。朝宗有意歸東海。潤物無心補上蒼。此景欲知何處有。遙榔風水冠西方。

集

曉天見雪二首

因陳柳絮濕還飛。脫却鵝毛亂點泥。只見烏鴉天外過。不知白鷺澗邊栖。澆增水氣成冰骨。怕映陽光損玉肌。恨殺綿花飛滿地。不堪收拾着寒

衣

唾  
朔風吹雪冷皚皚。不是堪傷涕亦流。布被蓋身難閉目。火爐烘手怕梳頭。  
。細袍徒自希華袞。狐貉何曾問敝裘。只爲浮名累肌體。思量好箇沒來  
由。

環翠參天

餘  
忙  
一林真趣一高堂。四面陰森四序蒼。彈雨九和淚鶴。凌霄千仞接飛凰。  
。分香易到蘭培上。有實雖遺李道傍。自是參天多雨露。向榮生意起春  
忙。

喬梓驚秋

集  
臺  
一天霄露兩栽培。俯仰雖殊總異材。植幹尙期廊廟選。霜風俄作棟樑摧。  
。花殘濺淚當秋落。巢鳥驚心徹夜哀。最恨大材無用處。悠悠終古拚泉  
臺。

東阜清隱爲黃鍾作

詩



唾

餘

集

書劍自慚糊口計。家園誰解爲身謀。金陵風景雖云好。我亦忽忽不久留。

別王必輝

北去南來客兩都。幾多愁苦共塵途。金陵景物追瓊島。璧水春風咏舞雩。霄漢懸心紅日近。楚天回首白雲孤。同來未得同歸去。忍寫離歌入畫圖。

途次聞蟬

和周師韻

聲咽高低撥不平。淒淒淒淒似訴平生。緩隨風勢千般巧。暗逐花香一味清。楊柳曲中時弄笛。鹿鳴歌裡聽吹笙。雖然樹底栖鳴隱。爭似鸚鵡九萬程。

舟次英德觀音石山有作

奇奇怪怪復巖巖。中有玲瓏古佛龕。樹木却生無地上。烟霞應絕大江南。輞川圖裡王維筆。赤壁江頭蘇子航。安得二公同掃石。舉杯終日坐晴

詩

一七

嵐。

飛來寺二首

睡  
崔嵬一上何窮。滿眼烟光入梵宮。流水盡歸空寂裡。遠山猶在有無中。  
六窗掩映猿啼日。半夜蕭條鶴唳風。安得飛來却飛去。種些禾黍慶年豐。  
岩下誰知別有天。箇中俯仰趣無邊。風輕雲淡日長午。鳥語花香春自妍。  
餘  
耕鑿每懸伊尹笠。庶歌時撫伯牙絃。悠悠此樂傳身世。古往今來幾許年。

度梅關

集  
步出群峯第一巔。遠瞻碧宇自茫然。天寒惟有梅含雪。地迥曾無柳帶煙。  
愈上愈高知峻絕。漸行漸至可攀緣。古今過往知多少。一二登臨敢厭  
類。

過邳州

邳州城外瀉頻催。星漢昭回曙色開。爆竹自驚殘臘去。椒觴相賀早春來。



。風光近迫名園杏。鄉信遙傳驛路梅。國有聖君家有母。深恩未報思悠哉。

與吳先生

白鹿堂前徑草封。先生從此躡遺踪。廬山近出文峰下。湖水平歸學海中。半榻清風蓮葉綠。一壇香雨杏花紅。匡南莫道登科少。丹桂行看滿月宮。

餘

舟中偶書所見

一葉孤舟寄此生。江流誰管重和輕。岸頭日日躬腰走。水面時時拄杖行。出險惟憑帆轉力。無風頗聽棹歌聲。爲他惆悵船頭看。滿眼烟波撥不平。

集

儀真江口舟阻風

儀真江口夜停舟。天意如何太苦留。已放雪花迷客眼。更翻風浪打船頭。一場清話閒消興。幾曲長歌莫改愁。好是上林春尚早。探花延我待時

詩

遊。

和周鳳齋見寄

四靈七德獨稱良。周室岐山是故鄉。文彩九苞震日煥。翱翔千仞海天長。時明樓老梧枝冷。春暖簞餘竹實香。正是文明真瑞應。五雲深處好飛揚。

五月江邊待客不至

淨掃蒼苔一徑荒。捲簾寂寞欲斜陽。新蒲切就椰盃覆。香茗烹餘石鼎涼。渡口雲歸龍已去。行邊烟渺鶴相忘。暮江惆悵空搔首。江水滔滔恨更長。

集

餘

陸

江湖勝覽

天南天北路悠悠。杖劍南來欲盡頭。蘭棹撥穿衰渚月。芒鞋踏破謝山秋。五湖風景歸吟興。三島雲烟放眼收。見說子瞻多汗漫。平生奇絕在茲遊。

皇華勝境

陳師傳社學卷

皇皇花木繞江山。憲轍頒行廟豕親。一騎長驅瓊島近。斗州歷覽海天寬。  
。著莪歌謠文明盛。木鐸聲聞士盡歡。書社萬間環里社。回看稚髻總衣冠。

睡

金陵勝覽二首

一統山河萬國恢。太平光景淨氛埃。滋榮曉露金門樹。披拂春風玉砌苔。  
。萬叠樓臺平地起。九重宮闕倚天開。聖朝根本隆斯地。漢族重興氣運回。

餘

集

高皇建極紫令儀。玉宇瓊樓負絕埃。瑞長仙芝庭下草。豔鋪宮錦砌邊苔。  
。龍盤虎踞山河壯。地久天长壽域開。此日臣民凝望處。一天雲漢正昭回。

初進南雍

宮牆高大羨南雍。何幸來遊負笈從。秋水芙蓉齊秀出。春城桃李盡芳濃。

詩

。月斜正聽堂前鼓。日暮無聞飯後鐘。自笑不才逢際遇。朗吟聊破寂寥中。

嗟

和教習林先生韻

雅韻飄飄興轉賒。風流端合稱詩家。春雲影裡生池草。夜雨香中吐筆花。  
。美麗何殊輝旭日。清奇共賞綺天霞。愧將涓滴添滄海。萬頃茫然豈有涯。

餘

奉和都台憂水患詩卽次原韻

胖躬遙接越江頭。底事年來有橫流。萬頃桑田千里浪。三江烟雨一漁舟。  
。溶川往跡嗟何在。播種無功恨未收。想見台端今禹稷。爲堯兼得十分憂。

集

結髮會期到白頭。薄緣何苦早分休。夫妻不共人間老。兒女空遺客裡愁。  
。一枕香魂蘭鬢古。半生賢行藻蘋秋。傷心怕說傷心事。不覺沾襟有淚流。

送廷賓先生分敬瑤臺

唾  
萍水相逢便眼青。又看離別出都城。北來聖主恩新沐。南去先生道已行。  
紅落吳江楓葉冷。碧連秦樹桂花清。懸知桃李花開處。一道春風直至瓊。

送林省祭還鄉

餘  
烏紗才見一冠峨。畫鷁俄聞兩棹歌。淮水北來開凍早。越山南去受春多。  
不須歧路築新柳。好向家林養舊柯。棖桷棟樑均有用。拾才未必計如何。

上都帥題鳳

集  
眼前何鳥不腥膻。竹食惟應鳳所天。七德性靈知更善。九苞文采覩爭先。  
不聞楚客誇尼父。僮感韶音舞舜絃。寄語群鳥休訝笑。好從千仞看聯翩。

送別胡一齋同年還鄉

詩

紅杏春風丹桂秋。一天光彩兩同遊。舞衣耀綵君深慰。瞻袞趨朝我獨留。  
載重殊恩江上舸。興高歸趁月邊樓。夢魂一路從君去。直到蒼山建水頭。

唾

點鐵原來要作金。文章成器此生心。微名已著登科甲。薄職偏教入翰林。  
曉曙進參丹陛近。春風歌詠玉堂深。一官萬里無他報。兩字清高是好音。

餘

送王汝學先生

名桂說初知

先生以癸卯秋報最。上金臺。追次金陵。留別以詩。厚相期待。師生義  
固爾也。甲辰春旋旆將之任。生罔克報稱。不揣譎陋。錄呈示教。

平生山斗仰斯文。講席曾叨侍夜分。程雪已知深爲醉。郇顏豈必厚於賁。  
蛟螭尚與雲龍逐。駑馬難追德驥群。快見拜恩榮任處。御爐香煖紫衣  
芬。

集

上分巡陳憲僉

唾

凜凜霜風振海山。炎荒無地不生寥。豺狼寂寞逃千里。厦屋幘幘託萬間。  
糾糾武夫回壯氣。紛紛寒士總歡顏。夜來翹首孤城月。分外光輝分外圓。

輓丘賢官二首

名漢文在公兄

杏林春色總成非。滿地飛花客到稀。醫國諛勞懷遠志。去家無復憶當歸。  
火殘文武時空炭。劑減君臣晝掩扉。寂寞不堪松下問。寒雲深鎖暮山暉。

西風拂面些歌成。魂去難招易愴情。沿徑落花憐往迹。滿林啼鳥弔詩名。  
一官烏帽空留影。三尺紅羅痛寫旌。遂使舊遊傷感處。歌傳薤露淚沾纓。

集

送邢大舍人二首

謂丘先生長子官中書舍人

巖翁名望重烏臺。公子于今始一來。萬里風霜追遠跡。五湖風景動遺哀。  
鳳雛共識文明瑞。喬梓誰非世用材。歸去省親思報國。拜恩還擬上蓬

詩

萊。

星光南極見天中。嘯傲湖山暢惠風。此日猷圖無俗客。當年同甲盡名公。  
氣鍾喬嶽身常健。眼放長空興不窮。借問先生吟醉後。曾忘昭代有夔龍。

上太守二首

簾捲春風化日長。鼠牙無事到黃堂。月明滄海珠還浦。雨過青山虎渡江。  
五袴輿歌輿頌循。兩岐吐秀麥花香。我來肩息甘棠下。借得餘陰一夕

涼。

四境絃歌處處揚。熙熙千里總春陽。安人每展經綸手。憂國還披鐵石腸。  
日永蒲鞭空示辱。風清麥隴有香餘。夜來試看城頭月。也得寒微一借光。

哀朱先生

先生耳目最聰明。年少群中一俊英。學步儒門濼得路。修文鬼錄已登名。

集

餘

陸



唾

豐城塵起龍泉暗。華表雲歸鶴夢驚。惆悵南窗勸苦處。淒淒夜雨弔寒  
聲。

碧桃紅杏

李商隱詩

狄公門下孔壇中。化雨何殊發育功。天上種時和露碧。日邊栽處倚雲紅。  
葉殘始見柯成實。花好都知色是空。造物原來有真宰。芙蓉江上任東  
風。

餘

早朝謝恩即事

玉河橋畔夜將闌。流水聲中月半彎。幾曲清歌賡樂府。一天光景淨塵寰。  
六龍駕下丹霄近。五鳳樓前玉笋班。共拜丹墀瞻咫尺。感恩猶恐報恩  
難。

集

燕都偶成

樂育英才造漢雍。獨憐浮跡抗塵容。驚寒鴈陣聲初斷。入夜鱸魚味至濃。  
吹透鄰牆三弄笛。撞開窗戶五更鐘。曉來又向金臺看。滿目雲山似夢

詩

二七

中。

送馮叔貴注選還鄉

壁池秋水正漫漫。流出都門送木蘭。兩袖香風辭柏府。一枝桃李屬天官。  
騰身已許雲霄近。回首休嗟道路難。君去忍分瓜與葛。連茹應在拔茅  
端。

文林別意送賴廷英赴貢

泮宮門下祖筵間。話到平生別却難。連袂采芹春水暖。對窗觀史夜燈寒。  
鴻飛豈信同遼陸。豹變寧知更長斑。爲虎爲龍從此去。不須瞻戀舊江  
山。

送交三首

雲滿征袍霜滿巾。惱離人處送離人。橋門流水寒生凍。客路淒風恨起塵。  
桃葉歌殘前渡晚。枕椰烟煖故園春。臨輿無奈分連袂。祇恐儒蹤冷席  
珍。

集

餘

唾

唾

誰云矮屋負長材。才在儒林拔萃來。孔孟文章充肺腑。伊周事業滯胚胎。  
朝陽海上傾葵蓋。霖雨天邊被草萊。萍水有源沾麗澤。不妨詩酒共徘徊。

白雪歌成雪滿街。送君遙出鳳凰臺。萍飄水面聚還散。梅抱春心舒未開。  
馬勒暫依庾嶺表。驪珠難沒海天涯。眼前釣得金熬者。多自橋門跳出

餘

寓金陵寄家書

鄉里人歸我未歸。家書一紙寄阿誰。硯中滴淚濃磨墨。筆下傷心亂寫詩。  
夢到北堂惟母接。望穿南極只天知。此書莫向堂前讀。靈爽如聞也痛

集

贈錦衣衛千戶

戶侯英雄士子也。忠謀輔主。勇畧過人。所謂矯矯虎臣者也。文情武備。  
著之有素。戲下之士。靡不德之。而凡觀國光叨寓宿者。亦多脩至容

詩

接。風。區。二。三。詞。志。辱。在。愛。中。瞻。仰。有。日。矣。敢。竊。文。詞。同。彰。武。德。希  
垂。盼。爲。榮。

唾

冠。世。英。雄。繼。世。助。京。都。丰。采。孰。如。君。劍。橫。殺。氣。冲。牛。斗。戈。耀。秋。光。破。陣。雲。  
兵。甲。胸。中。馳。萬。馬。魏。然。門。下。擁。千。軍。麒麟閣上傳消息。竹帛名高四海  
聞。

餘

氣。宇。軒。昂。大。丈。夫。世。家。何。愧。執。金。吾。垂。勳。燁。燁。昭。光。烈。威。武。桓。桓。振。帝。都。  
萬。馬。無。聲。聽。號。令。三。軍。奉。法。任。招。呼。聖。明。晝。日。來。三。接。會。見。康。侯。贊。廟  
謨。

集

送省祭官還鄉

風。雪。勞。勞。半。世。形。喜。聞。公。事。了。公。庭。衣。冠。曉。出。披。香。殿。祖。席。晴。開。折。柳。亭。  
仕。既。往。來。雲。外。鳥。人。生。離。合。水。中。萍。孝。親。拜。祖。須。回。首。猶。有。忠。君。志。未  
寧。

江。東。城。闕。楚。江。東。幾。度。霜。華。閱。歷。中。頭。角。已。看。今。日。變。衣。冠。不。與。舊。時。同。

。烏龍潭上三秋月。白鷺洲邊一棹風。歸去爲家來爲國。親恩難掩主恩  
。陰。

唾

土舍王義官哀輓

名原傑村鄉先生交官陸顯相

撫濟黎民日已昏。餘光留得照乾坤。一林風雨寒英氣。三島雲烟慘夢魂。  
。高義堂堂天地久。芳名藹藹菊松存。遺孤永抱終天恨。我亦悲歌洒淚  
。痕。

餘

黃大理僉憲廣西贈行

法星飛生五雲端。烜赫威光照膽寒。聖主特崇綱紀任。遠人爭覩士紳官。  
。九秋風月雙龍劍。萬里乾坤一豸冠。從此桂天清似洗。更無烟氣起林  
。樾。

集

悼亡四首

宦遊千里遠相從。自是生同死亦同。比翼高飛天外鳥。連枝深結徑邊叢。  
。煙沉古匣梅窗冷。塵掩遺編蕙帳空。此日孤兒多感恨。建江江水正流

詩

三

東。

朱絃愁絕破瑤琴。流水無聲恨轉深。鸞鳳樓空春寂寂。鴛鴦瓦冷夜沉沉。  
半生謫行傳閩閩。千古遺風慘士林。除却一經文與史。更無遺子滿籬

金。

數尺朱絃繫玉琴。琴亡絃絕兩難禁。離鸞有恨佳期隔。流水無聲古調沉。  
鮑叔永遺鍾子意。相如應負卓文心。可憐玄鶴庭前舞。猶戀當時再奏

音。

排田回首淚垂膺。造物於人總不情。堪嘆世衰交道喪。更悲邦殄哲人傾。  
數言已作終天訣。寸步何緣覺舊聲。生死交情知不負。敢書心事告幽

冥。

## 挽友二首

聞君凶訃我填膺。從此無緣話舊情。天上忽乘箕尾去。人間俄嘆棟樑傾。  
高山寥落陽春句。流水潺湲夕照聲。可惜哲人今已矣。幾回揮淚洒蒼

集

餘

唾

數尺朱絃繫玉琴。琴亡絃絕兩難禁。離鸞有恨佳期隔。流水無聲古調沉。鮑叔永遺鍾子意。相如應負卓文心。可憐玄鶴庭前舞。猶戀當時再奏音。  
 排田回首淚垂膺。造物於人總不情。堪嘆世衰交道喪。更悲邦殄哲人傾。數言已作終天訣。寸步何緣覺舊聲。生死交情知不負。敢書心事告幽冥。

### 挽友二首

聞君凶訃我壞膺。從此無緣話舊情。天上忽乘箕尾去。人間俄嘆棟樑傾。高山寥落陽春句。流水潺湲夕照聲。可惜哲人今已矣。幾回揮淚酒蒼冥。  
 望望龍門每愧膺。誰知一枕間交情。孤哀乏嗣號天泣。傷喪斯文汨雨傾。撥盡短琴中夜冷。夢回長笛半空聲。追思盃酒閒談處。風雨瀟瀟自晦冥。

### 輓徵士三首

書劍飄飄老宿儒。鐸聲初歇聽驪駒。花沾化雨香猶濕。人倚薰風醉欲扶。孔席夜寒千里夢。漢廷雲護一雙鳧。人龍別後知何處。應作甘霖遍九區。

詩

英魂去去入昏衢。哀訃俄驚士大夫。拜命今纔承寵詔。安人空未展宏謨。芳名藉藉嗟難泯。大志淹淹恨未舒。自古讀書天不負。此言今日也成虛。

昨夜燈光觸少微。九泉何事卜幽栖。半生豪氣秋山外。一枕仙魂夕照西。放鶴悠悠雲水闊。遺珠渺渺海山低。那堪樽酒聯詩處。花落花開鳥自啼。

### 憶亡妻及孩

二十年來爾有家。相依纔十四年華。二男春桂先零落。四女秋蘭始出芽。傍母眠時俄失母。有爺別後似無爺。啼饑號冷憑誰顧。爾獨何心撒手耶。

夢亡妻因感邵先生易數爲悵情初洽鬱衾意已陳之句

存歿只爭三寸板。可憐隔斷一生身。夢中相見還非見。醒後欲親那得親。鴛帳有情難再洽。鬱衾無意漫重陳。却慚前定先生數。翻作哀歌輓後人。

### 又書夢

死生離別各天涯。夢裡又逢不在家。憔悴玉容無傳粉。半偏雲鬢未簪花。出



門迎我悲還喜。入室愁兒怨復嗟。料得英靈知我苦。顧家寧異舊時耶。

### 寓羊城寄弟

母老居家我出疆。無妻無子總堪傷。阿兄疾病當危地。孩女伶仃託異鄉。婢僕曉來無主喚。田園春去有誰忙。許多囑付惟吾弟。一句言中淚兩行。

### 萍水

萍水秋風冷欲分。越仙難聚五羊羣。太平橋外回潮早。遠驛亭邊醉日昏。葵菴影開青鎖闥。羽林輝映大將軍。懸知拜舞春臺上。三祝嵩呼徹五雲。

### 自叙

登科始信讀書榮。教育殊恩出九重。父子總膺徵仕爵。婦姑同拜太君封。門迎化日文光煥。簾捲春風瑞氣濃。孝足報親忠報主。恩榮堂上拜雍容。

### 代龔送友

紫金山外柏臺端。霜月同經一歲寒。仕路莫爭遲速異。鄉情偏覺別離難。迢

詩

三五

迢驛路三千里。隱隱舟航十八灘。此日龍南暫回首。風雲行見出泥蟠。

### 哭丘一成二首

海嶽鍾生命世英。渾然才質自天成。文章應使出頭避。詩句傳看滿座驚。同也眼前時立卓。鯉兮庭下正趨行。可憐造物無真宰。不與斯人假壽齡。

奉侍高堂迹久韜。半岩水石數間茅。潤沾曉露蒼苔滑。寒鎖春雲綠樹高。映竹謾看鷄啄黍。隔林空聽鷄鳴臬。溪橋回首斜陽外。路草凝煙共鬱陶。

翠筠軒外日黃昏。倒屣尋居不見君。清廟暗疑收重器。白雲空自鎖衡門。詩壇幾度吟風月。眉宇連宵入夢魂。孤館覺來渾寂寞。茫茫心事向誰論。

### 端午代鄉人會約

蘭湯一洗俗塵空。萬衆都歸化日中。瑤草翠添爭渡雨。錦蓮香起乍晴風。桌羹不用當年貢。魚腹難追自古忠。此日蒲觴誰不醉。鄉歌幾曲水流東。

### 送郡博陳先生秩滿之京

唾

詞源滾滾逐頰波。洙泗源流更若何。教本一心師道立。化行千里善人多。東  
脩不管資囊薄。章甫寧辭老鬢皤。此去赴都當益壯。不徒燕趙寫悲歌。

科甲登榮三首 送胡一齋同年還鄉

脫却青衣換綠袍。烏紗巾子出頭高。表陳黼座承恩渥。名著玉堂燦彩毫。驚  
掖文章重聲價。鳳池出入盡英豪。書生一介如何幸。天上風雲際有陶。

滿城桃李動春風。三百衣冠一笑同。龍虎榜中增氣象。瓊林宴上列豪雄。宮  
花壓帽天恩重。御苑頒衣日色曛。拚醉不妨文字飲。唐虞嘉際總奇逢。

上託青天藉祖宗。半生勞計頗成功。讀書自古原無負。有願于今始得從。食  
祿幸沾新寵渥。衣冠不似舊儀容。故鄉親友如相問。只看胡甥即是儂。

讀家兄近作謹次原韻

關山迢遞此心孚。烟景誰爭任五湖。憂樂眼前尊酒共。別離江上片帆孤。鴻  
因避雪穿雲去。鷗爲橫秋向日呼。此後桑榆收未晚。不須惆悵失卓隅。

詩

三七

## 玩鶴子

有鳥翩然寄跡幽。高人瀟酒最相投。與窮流水琴邊韻。思入茶筵竹畔遊。林棹幾回蘆渚晚。蘇田二頃稻花秋。箇中會得忘機處。千載依依任白頭。

## 挽甥女死節

誰人爲死不悲傷。爲汝悲來喜一場。若使命存身失節。不如肉腐骨猶香。夫君地下應含笑。親戚人間莫斷腸。且把栢舟詩一看。宛然千載覓共姜。

## 送梁大尹朝京二首

明時海宴與河清。賢宰趨朝動遠情。漠漠五雲瞻帝闕。搖搖萬里擁心旌。南園草綠金陵路。上苑花香錦繡城。想到會同稱壽處。嵩呼萬口兩三聲。

梅雨晴時天日清。摘梅送舊覺酸情。綠槐影裡行春酒。紅槿花中駐曉旌。風月一航離海國。山河萬里接皇城。懸知考績功居最。平地春雷再一聲。

櫂酒斟來玉色清。送君聊叙故鄉情。鸚哥籠裏頻留語。舟子江中望去旌。星

唾

座有光騰玉墜。甘棠餘愛滿瓊城。也知此去官居要。驄馬行高遠奇聲。

### 永慕

膝下遠來哀怨深。九泉恩愛幾曾沉。休言眼底都無舜。須信鳥中尚有參。露  
漑雨澆千古淚。天長地久一生心。此身此外更誰慕。思慕親時何處尋。

### 遇韋大尹

別來屈指已三冬。萍水于今喜一逢。把酒更青平日眼。譚詩還覿舊時容。  
也知枳棘難棲鳳。却怪松筠未化龍。明日江頭又相別。雲霄漠漠樹重  
重。

### 送解戶部還鄉

喜完公事出神京。也沐天邊雨露榮。萬里乾坤雙眼闊。五湖風月一身輕。  
葡萄莫惜他鄉醉。瓜葛還牽故國情。歸去北窗且高臥。柴門長掩白雲  
橫。

集

餘

### 題吳氏流芳卷爲魏章作

唾  
根本栽培歲月深。君家種德已成林。滿堂橋梓增和氣。遶砌芝蘭弄曉陰。  
。長養每從方寸地。榮華常奉九霄心。春風莫訝流芳遠。根本栽培歲月  
深。

### 次大尹弟晚歸南渡韻

餘  
南渡行來景漸昏。隔江烟火幾家村。搗來流水猶聞碓。推出斜陽半掩門。  
。馬認故程行步促。人爭歸渡喚聲喧。此時況有思鄉客。極目寒雲意獨  
存。

### 和知州問菊二首

集  
蚤向西風課植籬。滿籬生意爲誰遲。眼前又欲荒三徑。雨後何曾見一枝。  
。晚節頗添忠獻興。夕飡恐負屈原思。三分秋色今無二。到得黃花有幾  
時。

集

餘

集

欲將晚節守藩籬。粧點秋光好却遲。紫艷恥爲傾國色。清香寧屬傲霜枝。  
滿頭自許歸時插。荒徑還留去後思。正是風霜搖落處。嫣然獨笑且隨  
時。

### 送友人赴試

昂昂志氣欲凌雲。年少人中幾似君。正養池魚資鯉隊。爭看野鶴在鷄羣。  
清門紹述詩書業。彩筆縱橫錦繡文。椿府又沾新雨露。桂花早早綴清  
芬。

### 別周先生乃嗣還鄉

叨陪詩禮事嚴翁。長少雖殊志氣同。窗外晤聊芹泮月。花邊吟咏舞零風。  
愧予尙作鷄群鶴。羨子應爲鯉化龍。歸去簡編加用力。青雲路上蚤相  
逢。

### 哀提學趙先生

詩

活水源頭灑不流。天光雲影一時休。魚龍泣血波成淚。湖海傷情浪白頭。  
。有本諷勞追孟氏。。亟稱無復見尼丘。洋洋浩派歸何處。空自寒潭日影  
悠。

### 送友人還姑蘇

姑蘇何子饒，與余交遊於兩京，春秋一見矣，頃者浩然有還鄉之志，蓋既  
非滔滔之流，而亦不爲役役之拘，其識趣有匪夷所思者也，余弗及如所  
圖，而不能且愧，姑作此送之，庶後日之期會，或於斯乎足徵，

秋風昨夜透青衿。吟動還鄉一片心。宦跡眼前雲漠漠。客情江上月沉沉。  
。榮華未必忙中得。安樂原於靜處尋。萍水會君君會我。臨歧慚愧一謳  
吟。

### 送友人上京

遠携書劍上京華。萬里江天一望賒。帆影爽開滄海月。馬蹄香襯禁城花



。宦情總付題橋筆。難思學牽倚玉葭。。處廟早應成偉器。好摠忠力佐皇家。

唾

### 永思堂

翰。喚。峨。峨。聳。棟。榱。美。哉。孝。子。永。思。堂。畫。培。每。覩。劬。勞。狀。花。暮。猶。開。笑。語。香。  
。寸。草。淒。淒。天。地。老。雙。靈。炯。炯。日。星。光。會。看。移。孝。忠。能。作。堂。愈。增。高。思。愈  
長。

餘

### 積善堂

世家積累非朝夕。華區輝煌照古今。父作子承歸一道。宗功祖壽本同心。  
。秦。山。積。土。方。成。大。滄。海。容。川。始。就。深。善。慶。有。餘。應。勿。替。山。高。川。闊。費。長  
吟。

集

### 瞻玉堂

春。田。卜。築。喜。初。成。北。望。紅。雲。透。帝。京。玉。署。文。章。多。舊。稿。青。山。泉。石。有。新。名

詩

四三

開樽倚憶黃封醕。欵枕如聞禁漏聲。暇日偶逢林叟說。瓊台深處接蓬瀛。

唾

## 上婁參議二首

使車遙下海邊初。霧擁雲騰壯氣多。化日光中明主詔。薰風高處遠人歌。  
南山共仰周師尹。邊土誰輕漢伏波。回首分茅山外過。金鰲銅柱看巍峨。

餘

東吳山氣抗洪濤。秀氣偏鍾冠世豪。紅杏香中文彩豔。紫薇花外政聲高。  
明良已際今堯舜。黼黻還期古稷臯。極目海天頻仰止。風流贏得受甄陶。

集

## 留耕亭

爲唐必大作

留耕亭下好溪山。頃頃都歸方寸間。穀種但施平坦地。町畦不用巧機關。  
雨暘自有天公管。稷歛從知人事難。最是子孫長久計。食時須記創時

難。

### 栢烏吟

送周先生注選還鄉

栢臺臺上聚烏群。栢樹陰森共夕曛。歷歷風霜秋已半。依依星月夜初分。  
歸林暫覩兩飛遠。集戟終教北向勤。莫羨天涯好爵跡。奮身應到九霄雲。

### 具慶堂

陰陰喬木蔭華堂。堂上雙親德孔良。鶴髮載斑骨種種。顰顏含笑樂洋洋。  
椿殿美茂萱般秀。天愈高明地愈長。膝下快看稱壽處。繡襦環玉舞相將。

### 送司訓陳秩滿之京

久持教鐸振瓊州。文物熙然總膝遊。山插半空黎婺曉。浪翻三汲禹門秋。  
行當梅雨開離席。香滾荷風撲去舟。萬里長堂滄海闊。想應從此上瀛

時

四五

洲。

### 觀修道路有作

裂石崩山急急忙。縣官脩路築橋梁。一朝直起千人衆。兩道橫開四丈長。  
坑坎幾時填得滿。田園到處被侵傷。馳車驟馬平平過。誰敢崎嶇怨路旁。

### 上鎮戎李都帥

一聲長嘯海天遙。萬頃滄波不敢號。殺氣壯時伸氣壯。福星高處將星高。  
月明營壘皆橫枕。日落村墟已賣刀。幕府肅然無箇事。捲簾時對太公韜。

集

餘

### 上清理蕭憲僉二首

鷲車南下擁千旌。帶得天威重遠城。暗地鬼神渾破膽。寒潭草木亦知名。  
旁搜武士茅茹拔。遴選文儒藻鑑明。歸騎無窮頻攬轡。風高瘴海已澄

清。

唾

奸邪狡詐得其情。玉上青蠅一箇生。河海古分鹹與淡。涓涓今涸濁和清。  
殺人自信曾參枉。取義誰怜豫讓明。于氏門高陰險重。只緣治獄尙公

平。

餘

直道知公不世情。肯隨貪鄙變平生。頽波江上愁皆濁。活水源頭羨獨清。  
尺霧謾勞秋月障。寸雲何損太陽明。願言隱步從渠視。周道便便以砥

平。

### 贈兄會試

一曲離歌萬里程。江山滿目弟兄情。斷雲凝樹高低色。流水吞潮遠近聲。  
馬足曉輕度嶺雪。花香春重錦官城。鳳池得意應徯我。共沐恩波對聖

明。

集

### 送王文明還感恩

詩

四七

唾

餘

集

詩

四八

金水橋邊纔北下。辟雍門下又南還。九重恩澤通瓊海。一道文光過陝關。  
雲暖莫教龍睡穩。霧寒應是豹紋斑。感恩歸去須懷報。萬里天庭咫尺  
問。

### 送林繡衣還朝

名傑西臺御史

思親已見還瓊海。爲國重看上玉京。竭力居家全孝養。許身爲國盡忠誠。  
馬蹄輕渡關山越。帆影光浮海月明。此去遙知膺寵擢。好教九有致澄  
清。

### 送廷儀之任安遠

聖王深愛遠民安。安遠掄才拜宰官。欲爲九重宣德化。暫來百里撫癘殘。  
露搖征旆吳山曉。月滿維舟貢水寒。一路風光從此去。更無纖穢瘴層  
巒。

### 送周至德還家

唾

富貴真成春夢婆。先生醒眼獨如何。魚窺淺澗諳鈎餌。風上高梧遠網羅。  
萬里乾坤孤棹穩。半林風月一冠峨。紅塵陌上遙相送。慚愧臨風爲子  
歌。

### 擬東流楊景昌首尾吟

乘舟不是打秋風。滄海南來庾嶺東。十載交遊萍水上。一天愁思樹雲中。  
杏園自愧無門入。花縣寧知有路通。爲愛山陰寒夜雪。乘舟不是打秋  
風。

餘

### 寄曲江司訓周廷重

曲江江上好山峯。才氣寧非秀氣鍾。天上洪爐司鼓鑄。人間良冶爲陶鎔。  
忍看金鑑管如夜。不使鉛刀快似鋒。要得器充才適用。早加心力日磨  
礱。

集

### 送王戶部還鄉省祭

詩

十年戶部因爲郎。一片雲飛念故鄉。瞻望忍能歌怙恃。奏陳端許奉蒸嘗。  
庭槐影裡乾坤闊。辛木叢中雨露香。此去未應在田里。早須鳴珮上廊廊。

### 題吳氏義學田

吳門重義家興學。况復輕財置學田。舌作耕犁人讓畔。心如谷種稼連阡。  
可無饑矣非謀食。不素殮號足養賢。化雨一方覃厚澤。誦絃歌裡慶豐年。

數畝膏腴郊外郊。舌端耕破鹽頭遙。春風暖播詩書種。時雨香沾秀實苗。  
學稼無勞樊氏請。輸租不數石崇饒。箇中豈是閑田地。預養英才佐治朝。

### 和梁大尹途中風景

瓊海年來俗境遷。我侯歷覽獨垂憐。潤沾香雨山花好。翠偃輕風徑草鮮。





睡

餘

集

。載道頌聲聞馭舌。滿懷吟興簪詩肩。會聞蘇老經行處。千古車書共一人。

遠持節使出花封。勸稼親民總爲公。葵藿有心終向日。草茅無地不從風。  
。權衡富貴兮輕重。斗量徵輸別異同。日照無私人共仰。餘光寧到覆盆中。

### 次蔡梅軒會後偶成

並育乾坤浩蕩春。太倉粒米渺然身。盟追洛社風流古。言契金蘭臭味真。  
。同異渾忘心外迹。親疎相愛義中仁。若教東魯無君子。未必能成尙德人。

勉旃求友輔仁人。靜裡沈潛細認仁。花在好時猶未實。景從淡處始爲真。  
。風賓月友渾忘我。物與民胞盡屬身。堯舜舜趨師不讓。藩籬撤盡大家春。

詩

五一

### 送李廷玉

故人萍水喜相逢。尊酒那堪又不同。見日山邊飛旅騎。溫泉地上候歸蓬。  
登堂好竭黃香孝。爲國應懷吉甫忠。仕版注名深有望。莫耽羈玉老英雄。

### 寓中元日

韶華本是一般天。不道天公也自偏。世上有錢自有節。客中無酒亦無年。  
數莖淡菜尋常飯。一枕輕風自在眠。頭髮不梳冠不着。更無人到館庭前。

集

### 送別泉友

南浦停舟已夕陽。餘光留得照離觴。雙龍出海騰霄漢。孤鷺飛霞向晚涼。  
光澤西來流派遠。曉山東望樹雲長。吾先來自泉江上。音信煩君爲寄將。

## 清明有感

清明無客不思家。我到清明思轉加。嫩綠又開新柳眼。嬌紅不是舊桃花。  
半生遺恨空流水。三尺孤墳日落霞。欲寄淒涼眼前淚。想應流不到天涯。

## 途中有感

一身漂泊一天涯。幾度炎涼幾歲華。踪跡此時猶在路。夢魂無夜不還家。  
影橫清淺田田鶴。棲定黃昏樹樹鴉。人在風塵歸未得。不如鶯也奈何耶。

## 送會同徐先生待選南還

莫怨秋風歸路遲。芙蓉江上未曾知。巨舟正到中流處。美玉方當善價時。  
天際風雲還有待。海門烟月暫相期。更無聲寄唐廷佐。來看先生論我詩。

時

五三

### 瓊臺勝覽送江右蔣舉人還鄉

睡  
遠駕六轡過海瓊。瓊臺風景勝蓬瀛。四州文物均成化。千里山河屬大明。  
。浪滾寒潮驚醉眼。花飛香雨動吟情。孤帆拔出蘇仙後。奇絕還誇在此  
行。

餘  
直上樓臺賞海天。天光海色浩相連。青山一髮懸秋鏡。白雪千尋破曉煙。  
。觸目勝觀留去馬。滿懷佳興重歸船。故鄉親友遙相見。疑是蓬萊出洞  
仙。

集  
瓊海南來欲盡頭。壯哉奇絕在茲遊。登山極目渾無地。觀海回頭總未流。  
。梅嶺瘴開征路曉。鵝湖雲盡故園秋。春風握手丹墀上。射策推君第一  
籌。

有客飄然不世塵。青雲洞府賞芳春。桂花香裡聲名舊。池草吟邊風景新。  
。爲弔蘇胡遺宦跡。却憐趙宋謫賢人。那堪懷古悲窮達。委質須爲骨體

臣。

### 和梁大尹吳川道中望瓊山

雲開遠見海中山。萬里歸程一水難。雨脚漸隨車轍至。風聲遙遞棹歌喧。  
甘棠樹老還當友。桃李花開正滿門。多少兒童騎竹馬。攔街爭逐舊郎君。

### 和梁大尹重經赤水道中感懷

滄波赤水浩相連。古渡重過却自憐。華髮暗驚非昨日。青山無恙似前年。  
野花啼鳥迎歸路。芳草斜陽度遠阡。想見瓊臺生瑞氣。此時須識宰官旋。

集

餘

唾

### 送梁大尹考績之京二首

久羨侯心公且清。子民猶有故鄉情。仁風早向千家扇。化日光懸五仞旌。  
柳色正新催曉駕。桃花依舊滿春城。祇今報最趨朝去。五色雲中藹令

詩

聲。

睡  
海國風微曉氣清。沙頭尊酒若爲情。潮回蛋埠花連棹。露鎖官橋柳拂旌。  
。馴鶴飛趨雙鳳闕。紫駟嘶度五羊城。賞功更擬登台輔。丹陛時聞琬玉  
聲。

### 送李廷玉還橫江二首

餘  
一識荊州泮水旁。便如韓孟兩形忘。竹軒夜雨連清夢。蘭室秋風遞好香。  
。樽酒數來歡會少。片帆歸去別離忙。從今未許重携手。擬作雲龍逐四  
方。

集  
三疊陽關幾悵然。交情無奈別離牽。檣榔葉暗山城雨。橘柚香分海市烟。  
。合浦明珠清夜淚。橫槎流水故鄉情。別君況有逢君處。萬里青雲共一  
天。

### 賀友四十一壽

唾

餘

集

誇君齒德兩俱遷。不動心來又一年。稽壽自應餘滿百。積功還許夙盈千。  
影翻金粟開圖畫。香薦冰桃入綺筵。佇看鳴榔遊帝閣。人間別是一番  
新。

### 題陳婦程氏貞烈卷

婦人多少失其夫。誰肯從夫就死途。但取心中無愧好。不求身外有名沽。  
舍身輕作一毫末。立節高如千仞孤。若較古來貞節者。于今都不讓先  
軀。

### 贈梁大尹之京二首

賢令真爲父母官。愛民如子一般看。饑推穀食常教足。煖課蠶桑只怕寒。  
匍匐更無愁入井。征輸不復咎追完。朝天却恐番遷去。擬把雙轅臥轍  
攀。

蕭蕭正馬去朝天。航海梯山路八千。清績未陳雙闕下。仁心先到五雲邊

詩

五七

。新。鷺。細。柳。長。安。曉。麗。日。光。風。大。比。年。朝。罷。快。看。承。寵。處。錦。袍。香。滿。御。爐。烟。

唾

### 和主師周自叙韻二首

美玉於斯却有年。琢磨誰識此心堅。韜光未許微疵玷。待價何妨歲月遷。  
。瑚。璣。自。應。成。女。器。麒。麟。不。愧。受。君。鞭。下。和。直。抱。荆。山。玉。肯。向。懷。中。怨。老。天。

餘

歲寒心事蚤相期。滿耳清音只自知。花鳥細風香起處。枕欹斜月夢醒時。  
。乍。驚。波。浪。翻。龍。窟。却。擬。簫。韶。奏。鳳。池。寄。語。茅。山。陶。隱。士。箇。中。因。甚。日。淒。其。

集

### 送劉汝堅赴春闈

馬馳霜曉劍橫秋。萬里江山屬壯遊。素蘊蚤誇希董賈。宏才今喜際虞周。  
。氣。噓。日。下。生。雲。霧。彩。射。天。邊。貫。斗。牛。此。去。杏。園。春。色。好。一。枝。紅。占。萬。人。



頭。

### 和周鳳軒寄

唾  
姬氏眉中白最良。碧梧翠竹水雲鄉。朗吟風月襟懷壯。歷覽江山耳目長。  
揚。綠野有田皆種德。黃花無徑不生香。箇中近托芝蘭室。沾得遺芳遠播

### 題成趣園池亭

餘  
寸地傳來累世榮。渾然真趣自天成。鳥啼春檻琴軒靜。魚躍秋波釣艇橫。  
盟。日永落花閑裡過。雨餘芳草夢中生。何時樽酒池亭上。吟草看花叙舊

集

### 赴會試南都美人家三首

紛紛紅紫眼中過。一點春風趣自多。嬌豔不容花比貌。清高寧許雪齊歌。  
風輕和氣生簾幙。雲煖幽香入綺羅。記得去年秋夜半。廣寒深處會仙

詩

五九

娥。

百花無色鳥無聲。別有春風不世情。月避嬋娟沉恨海。雲迷清響下悲城。  
蘇州隔座腸應斷。司馬當樽眼更明。覩此佳顏開此曲。藍橋何處覓雲

英。

薄施鉛粉淡梳粧。小巧風流恁也強。嬌欲比花還解語。豔將凝雪却生香。  
輕輕笑個情偏重。短短歌兒趣自長。色勝當年遊月府。眼前縹緲見霓裳。

餘

### 上二守禱雨有應

調變炎荒屬郡君。亢陽那復烈如焚。直將人道回天道。便挽晴雲作雨雲。  
萬井恩波春浩蕩。一方生意日氤氳。曉來見說東南畝。次第深耕次第耘。

集

### 上賢侯禱雨有應

唾

聖代安邊信有神。陰靈也爲作爲臣。禍淫豈害稱慈母。福善偏能愛子民。  
。一水禱來晴亦雨。羣魚躍處暖生春。賢侯此日慇懃謝。曾借餘波洗旱塵。

### 上太守禱雨有應

春風五馬正巡行。來自燕都過粵城。帶得北方生活水。洗翻南極旱暘精。  
。士民皦皦依時泰。花木欣欣向曉榮。試問此工天不語。不歸太守更誰評。

集

天有精靈地有神。巍然求到海江濱。亢陽化作隨車雨。和氣吹開拂面塵。  
。縱麥兩歧多獻瑞。江山千里總回春。自憐寒谷遲生意。瑤草穿勻未得伸。

### 奉和周至德不得志韻

烟波浩浩送行舟。此去非同汗漫遊。蘆荻洲邊山月曉。芙蓉江上水天秋。

詩

一樽薄酒傾前事。萬里長江占上流。聞道近來曾姓者。狀元及第是吾儔。

唾

### 雷氏族譜

雷氏家聲四遠聞。眼前仁孝見仁孫。族傳有賴蘇公譜。祖澤無忘鄰子言。  
天斂秩然昭日月。民風淳處振乾坤。故家自是多喬木。根本深來葉愈繁。

餘

### 范氏族譜

水有源兮木有根。根源深固古今存。源深始信支流遠。根固從知柯葉繁。  
柯葉繁華沾雨露。支流遠大潤乾坤。問渠氏族何由盛。水有源兮木有根。

集

### 杏壇別意

送司訓周師之京

紅杏壇前聽鼓琴。倚欄誰復賞知音。孔開早挹文風盛。顏氏偏沾化雨深。

。售玉已增今日價。席珍未負此生心。此行定擬雷遲去。欲寫離歌不忍吟。

陸

### 題瞻雲軒

慈烏啞啞度南枝。遊子驚寒淚滿衣。自愧一身淹歲月。難將寸草報春暉。  
。關山遠望情何極。菽水承歡事已違。腸斷幾回空送目。孤雲欲傍大行飛。

徐

### 別南海何昌先生之南陵

呂憚先生、與余同省人爲同庚且同舟自北還至南陵、余入南雍、而先生之南陵、素與相同、今當言別、亦有難堪者、故作此送之、

同一年來差一月。先生偏讓我先。孤飛未許接鸞翅。共濟也曾陪雁行。  
。壁水夜寒慚錦轡。杏壇春暖聽琴鳴。前程早晚都前定。何日重看聚德星。

集

詩

## 江口舟中元旦感懷而作

蚤起新年到客船。人人快活我憂煩。心頭塞住連糜嘔。眼淚含來當酒吞。  
。拱手只共天賀節。低頭但見雪粧春。親情骨肉當何處。獨倚船窗暗斷魂。

## 謝彭先生款禮并惠詩巾次韻

伏聞青出于藍、而深於藍、冰生於水、而寒於水、先正有是言也、生曳藍衫濯清水於門下、亦已久矣、乃狼靡不振、至於今日、是猶不青之藍、不冰之水、徒自愧於先正之言、貽玷於先正之教、可勝說耶、茲者竊觀上國獲拜下風、乃辱不鄙夷、竟日款叙、恩禮殊甚、生旣旅邸沈吟成句、欲呈間、忽承惠以錦巾珠玉、且以青藍冰水之言過譽生、生復及此、愈自慚惶、復步嚴韻、共成二律、錄貢、

## 謝忱希爲垂教

唾

餘

集

布衿漸染未青青。還着藍衫一過廷。日下擬沾新化雨。天邊重覩舊恩星。  
談深往事宵還旦。酒有餘樽醉未醒。却愧謗才非天器。仰鑽徒自訴生平。

再一觀瀾壁水間。風生高座接霏談。堂前漫接南來雉。門下偏留北去驂。  
烏帽籠頭公髮白。青衫滿目我袍藍。相逢相喜文明日。還仰休光照斗南。

### 謝李侍御過訪及惠書

二首  
並序

嚮辱綉驪光賁、愧失趨迎、近蒙書筆惠加、幸親拜受、自度布衣之陋、得沾華袞之榮、感德殊深、銘心罔極、敢將俚語代貢謝忱、冀察鄉情、允垂電矚、

滿道風霜不世塵。曉來吹上布衣身。誰知凜凜三冬日。自有溫溫一種春。  
守凍却慚江上客。不寒偏屬嶺南人。願教一夜風霜變。均作陽和煦萬

詩

六五

民。

加惠恭承物意新。接來猶似得明珍。展書如見秋霜面。落筆驚翻風雨神。  
雲簇尙留天上詔。花生渾是夢中春。多君助我文章力。爲掃千軍敵萬人。

### 又因所惠書弗全有西漢無東漢有終卷無首卷

感君愛我古今通。惠我新書克有終。兩漢事情雖有異。一書篇簡必兼同。  
未知頭緒徒知尾。只見西家不見東。聊寫片言問端的。不知何地有全功。

### 無題

半夜敲門叫語喧。洞房驚起不成歡。饒他有事天來大。爭奈多情海樣寬。  
翡翠衾寒魂欲斷。鴛鴦枕冷興初闌。判開香袂登程去。幾度回頭過廣關。

餘

集



## 爲多情憶別

唾  
一夜同衾百夜思。交欣未已便分離。攬衣輾轉無眠處。推枕徘徊起坐時。  
癡。雲雨到頭渾是夢。烟花滿眼轉生悲。多情却被無情苦。好漢磨來也似。

## 見農婦插田歌作

餘  
尺布包頭學野裝。輕移蓮步水還香。裙如蛺蝶隨風舞。手效蜻蜓點水忙。  
緊束曉烟青一把。細分春雨綠成行。山歌欲和聲難調。惱殺搖鞭馬上  
郎。

## 舟中重陽次至德韻

集  
舟泊渡頭別路長。况逢重九寓他鄉。一江波影依誰碧。兩岸菊花爲我黃。  
涼露沾衣唵裡句。輕風落帽醉邊觴。客中也得清平樂。萬歲惟應祝聖  
王。

都台黃門諸先生寄贈倡和嚴韻見示敢竊效

顰併希呈正二首

名公兩地各停驂。越嶺東頭海嶠南。君命遠傳皆不辱。夷心柔服總能堪。  
吟聞風月情如一。天上台星應兆三。共整峨冠登宰輔。唐虞治理日高  
談。

使節皇皇駕鐸騶。法星朗朗照天南。心清似水原無累。任重如山也自堪。  
國士掄才應寡二。臺臣極品僅饒三。預看反命朝金闕。恭奉綸音進偉  
談。

集

餘

睡

吳都憲贈兩廣鄉貢舉人次韵未揭曉時

朝陽高出鳳嘶鳴。滿耳聲歌徹帝京。月桂九秋消息好。雲霄萬里道衙亨。  
南關曙色朝天驥。上苑春光出谷鶯。况值憲臺宣德教。品題贏得重鄉  
評。

## 翰林題景

唾  
橫斜竹影夕陽西。半照山頭半照溪。却喜班鸞鸞鳳侶。不聞野噪鷓鴣啼。  
移。雨餘樹滴猿偷菓。風靜花搖鳥過枝。水隱波翻魚弄月。天空彈打斗星

## 奉使餽太常卿未會

餘  
有緣千里能相會。咫尺無由得見之。七科不中天留意。四下無聞我自知。  
師。國史使非伯玉使。太常辭豈孺悲辭。不屑教中真致誨。退而脩省是吾

## 會飲

集  
有酒傾來飲。無錢莫去沽。但須懂意合。何必醉扶歸。

## 松竹

婆娑一古幹。樂共此君友。任彼風與霜。歲寒心不朽。

詩

六九

風竹

心兮本空虛。節爲斜陽曲。勿謂枝葉低。還堪鳳凰宿。

露竹

挺出花柳前。不屈霜露下。誰知箇裡頭。亦有君子者。

梅

移出含章殿。猶粧壽陽額。豈無調羹味。山蜀良可惜。

遣懷

詩酒閑中趣。琴棋靜裡春。當前行樂地。風景最宜人。

過嚴子陵釣臺

公爲利名隱。我爲利名來。羞見先生面。黃昏過釣臺。

相府咏梅

集

餘

睡

時群公讜集丘師邸中，皆翰苑名流，予以一明經濫廁席末，劉希賢公健，指梅起韻，謝公遷，王公懿次之，二公丘師門士也，予既不辭鄙俚，蒙羣公擊節獎賞，至稱爲吾輩畏友，翼蚤各投片刺枉車騎，泊予在水天，而群公亦相繼登樞軸，一見如舊，自惟予此作，初持以免酒，不謂遂當一贊成締合，而先遜之虛懷雅量，亦寥寥千載也，姑附之以志感云。

東風昨夜到天涯。玉種移來宰相家。不是此心堅似鐵。雪霜枝上敢開花。

### 赴試白魚入舟

細鱗巨口亦奇哉。跳出龍門第幾階。周武渡江曾作兆。不知今日爲誰來。

### 過武城

夫子當年武城下。亦曾莞爾笑弦歌。我來不見弦歌日。莞爾其如感慨何。

唾

詩

七二

舟次大廟前有山、余方仰止、大尹公指曰、  
此狀似小姑山也、余因口占一絕、

峻石巖巖骨貌粗。蓬蓬荒草鬢模糊。我來未必曾相識。見說依稀似小姑。

### 題翡翠

餘

文彩彬彬翠黛鮮。品流未讓百禽先。休言筋骨非爲貴。且道皮毛也值錢。

### 題畫翡翠二首

集

披青着翠翠毛衣。文彩天然信絕奇。勿謂此身飛不去。託身已在萬年枝。

文彩翻翻翠欲浮。脫毛還可百金求。帶花飛上烏雲髻。別樣精神肯出頭。

睡

### 題畫鳳

楚狂歌裡叙無聲。曾向岐山深處鳴。聖主于今邦有道。五雲深處好飛騰。

### 題繪鵲

黑白分明衆所知。那堪遠樹噪無枝。曉來花外高聲語。爲報飛騰是此期。

餘

### 題白雉

頂上芙蓉不用裁。羽衣曾向雪中來。平生不會多言語。一叫千門萬戶開。

集

### 送林辦事省祭還鄉代作

金陵回望海天涯。萬里乾坤總一家。君父厚恩都記取。莫教綵服絆烏紗。

詩

詩

七四

寓中見花爲李揮使口號

關王廟裡一枝花。開遍東風占物華。想見當時英邁處。于今都屬李侯家。

持傘雨行卽事

竹作鎗兮紙作脾。暴風強雨撼將來。面前一任雷霆怒。有此脾鎗盡敵開。

思鄉

水隔江河雲隔空。幾番離思水雲中。鄉關日暮知何處。雲自西飛水自東。

瓊南復觀天日送王汝學復任之京

一方有限皆親目。尺露無情設瘴天。風伯到來還掃却。青天白日轉依然。



唾

### 送別王二守

海南自古無人虎。境內于今有虎人。猛虎一驅人害息。周公今日倍精神。

### 觀上灘舟中有感

灘石高低水不平。水流灘急總無情。舟人到此渾無賴。抱着篙兒叫幾聲。

### 錦衣高戶侯石蘭

榮華已泯天邊雨。瀟灑還生石上雲。一段好音歸孔操。只今曾有幾人聞。

集

### 棋

兩樣機關一局棋。樊車羸馬尙驅馳。倘來得進些兒步。轉負回羸也未知。

詩

詩

七六

### 井渫

井水當年徹底清。向來污濁太無情。祇今泥盡寒光冽。還得當年水濯纓。

### 漁者

小小扁舟淺淺溪。一鉤香餌一蓑衣。得魚沽酒陶然醉。回首蘆花江月低。

### 魯橋思親

淚逐河流下魯橋。親魂何處我魂銷。相應識得遺軀在。來赴歸期不用招。

### 張家灣有感

人境繁華我寂寥。張家灣上自招邀。寶瓶載得淋漓蜜。共撥殘燈醉一宵。

### 中秋會賞

天將秋夜兩平分。此景於人孰不均。惟有月光分不得。一杯飲我一杯君。

### 新月

疑是嫦娥罷晚粧。嬾將彎鏡照昏黃。等閑投入青羅袋。露出妝邊一指光。

### 送方德明冠帶還鄉

際時而有所爲，吾儒之本心也。過時而自不爲，吾儒之本分也。有其心而不驗其分，方先生其賢也矣。較諸區區路至於日暮途窮，猶不知返者，不亦有間哉。予因作七言四句，書以爲贈，必無曰如斯而已乎。

青雲素志幾層磨。白髮烏紗可奈何。回首家林問城市。就中真樂許誰多。

詩



唾

咏箋

滑滑潔潔一輪秋。隨相携手意自由。熱惱場中涼快處。萬人。前面逞風流。

送別

客路奔波千里共。世情冷煖兩心知。水分雲散金陵外。明月清風何處期。

餘

爲李世昌挽乃丈人三首

何翁高節與冰清。佳婿交馳玉闕名。悵望長江水已釋。不堪回首望鄉情。

九重淵底枕龍窩。不肯爲霖奈爾何。一夜風雷龍已去。寒雲渺渺海空波。

仙夢悠悠入羽丘。些歌聲斷楚雲愁。傷心況有乘龍客。淚濕連綿又寫憂。

集

詩

七九

睡 餘 集

---

詩



八十